





Ex Bibliotheca  
majori Coll. Rom.  
Societ. Jesu

M

20

13

55

20

B

46

20

13

55







THE UNIVERSITY OF CHICAGO

THE PROVINCIAL ARCHIVES

OF CANADA

THE UNIVERSITY OF CHICAGO  
PRESS, 1963  
CHICAGO, ILL.

A. J. B. HARRIS, M. D. 1963



THE UNIVERSITY OF CHICAGO  
PRESS, 1963  
CHICAGO, ILL.

REVISED 1963

# CONSTITVTIONES

ET DECRETA CONDITA  
IN PROVINCIALI SYNODO  
CONSENTINA

*Sub Reuerendiss. Domino D. FANTINO Petri-  
gnano Dei & Apostolica sedis gratia  
Archiepiscopo Consentia*

Anno Domini M D LXXIX.

*Sessio prima celebrata die decima  
mensis Maij.*

**N**OS Fantinus Petrignanus Dei & Apo-  
stolica Sedis gratia Archiepiscopus Con-  
sentia de Reuerendissimorum DD.  
Coepiscoporum consilio, & assensu in prouinciali  
Synodo nostra Consentia legitime congregata, hac  
qua sequuntur decernimus, & ordinamus.

*De fidei orthodoxa professione.*

**I**NTER Omnes pastoralis officij solli-  
citudines præcipua, quæ ad Catho-  
licæ fidei integritatem pertinet ver-  
sari debet, vt quæ totius spiritualis  
ædificij fundamentum est, inuiola-  
ta permaneat, & omnes in eius pu-  
ritate immobiles persistant. Quare ab eiusdem fidei ne

gotio veluti omnium præstantissimo exordiendum duximus, eandem fidem iuxta formulam à fel. recor. Pio Papa Quarto traditam vnanimiter profitentes, quam hic inferius subiiciendam esse visum fuit.

*Formula orthodoxa fidei professionis.*

**E**GO N. firma fide credo & confiteor omnia, & singula, quæ continentur in Symbolo fidei, quo sancta Romana Ecclesia vtitur, videlicet:

Credo in vnum Deum Patrem omnipotentem, factorem celi, & terræ, visibilium omnium, & inuisibilium. Et in vnum Dominum Iesum Christum filium Dei vnigenitum. Et ex patre natum ante omnia sæcula. Deum de Deo, lumen de lumine, Deum verum de Deo vero. Genitum, nõ factum, consubstantialem patri: per quem omnia facta sunt. Qui propter nos homines, & propter nostram salutem descendit de cælis, & incarnatus est de Spiritu sancto ex Maria virgine: & homo factus est. Crucifixus etiam pro nobis: sub Pontio Pilato passus, & sepultus est. Et resurrexit tertia die, secundum scripturas. Et ascendit in cælum: sedet ad dexteram patris. Et iterum venturus est cum gloria iudicare viuos, & mortuos: cuius regni non erit finis. Et in Spiritum sanctum Dominum, & viuificantem: qui ex patre, filioq. procedit. Qui cum patre, & filio simul adoratur, & conglorificatur: qui locutus est per Prophetas. Et vnã sanctã catholicã, & apostolicã Ecclesiã. Confiteor vnum Baptisma, in remissionem peccatorum. Et expecto resurrectionem mortuorum.

Et vi-



Et vitā venturi sæculi. Amen. Apostolicas, & ecclesiasticas traditiones, reliquasque eiusdem Ecclesię observationes, & constitutiones firmissime admitto, & amplector. Item sacram scripturā iuxta eum sensum, quem tenuit, & tenet sancta mater Ecclesia, cuius est iudicare de vero sensu, & interpretatione sacrarum scripturarum admitto: nec eam unquā nisi iuxta unanimem consensum Patrū accipiam, & interpretabor. Profiteor quoque septē esse vere, & proprie sacramenta nouæ legis à Iesu Christo D. N. instituta, & ad salutē humani generis (licet non omnia singulis necessaria) videlicet, Baptismum, Confirmationem, Eucharistiā, Pœnitentiam, Extremam vnctionem, Ordinem, & Matrimonium: Illaque gratiam conferre, & ex his Baptismum, Confirmationem, & Ordinem sine sacrilegio, reiterari non posse. Receptos quoque, & approbatos Ecclesię Catholicę ritus in supradictorum omnium Sacramentorum solemni administratione recipio, & admitto. Omnia & singula, quæ de peccato originali & de Iustificatione in sacrosancta Tridentina synodo definita, & declarata fuerunt amplector, & recipio. Profiteor pariter in Missa offerri Deo verum, proprium, & propitiatorium sacrificiū pro viuis, & defunctis: atque in sanctissimo Eucharistię sacramento esse vere, realiter, & substantialiter corpus, & sanguinem, vnā cum anima, & diuinitate D. N. Iesu Christi, fieriq; conuersionem totius substantię panis in corpus, & totius substantię vini in sanguinem: quam conuersionem Catholica Ecclesia Transubstantiationē appellat. Fateor  
etiam

etiam sub altera tantū specie totum atq; integrū Christum, verumq; sacramentum sumi. Constanter teneo Purgatorium esse, animasq; ibi detentas fidelium suffragijs iuuari. Similiter, & Sanctos vnā cum Christo regnantes, venerandos, atque inuocandos esse, eosq; orationes Deo pro nobis offerre, atq; eorum reliquias esse venerandas. Firmissime assero Imagines Christi, ac Deiparę semper Virginis, necnon aliorum Sanctorū, habendas, & retinendas esse, ac eis debitum honorem & venerationem impartiendam. Indulgentiarum etiā potestatem à Christo in Ecclesia relictam fuisse; illarūq; vsum Christiano populo maxime salutarem esse affirmo. Sanctam Catholicam, & Apostolicam Romanam Ecclesiam omnium Ecclesiarum matrem, & magistrā agnosco: Romanoq; Pontifici, beati Petri Apostolorū principis successori, ac Iesu Christi Vicario, veram obedientiam spondeo, ac iuro. Cetera item omnia à sacris Canonibus, & Oecumenicis Concilijs, ac præcipue à sacrosancta Tridentina synodo tradita, definita, & declarata indubitanter recipio, atque profiteor: simulq; contraria omnia, ac hæreses quascūq; ab Ecclesia damnatas, reiectas, & anathematizatas, ego pariter damno, reijcio, & anathematizo. Hanc veram catholicā fidem, extra quam nemo saluus esse potest, quam in præsentī sponte profiteor, & veraciter teneo, eandem integram, & inuiolatam vsq; ad extremum vitę spiritum constanter (Deo adiuuante) retinere, & confiteri, ac à meis subditis, vel illis quorum cura ad me in munere meo spectabit, teneri, doceri, & prædicari quantum in me erit,

erit curaturum. Et ita spondeo, voueo, ac iuro. Sic me Deus adiuuet, & hæc sancta Dei Euangelia.

Eandem fidei professionem facere teneantur etiam omnes prouisi de beneficijs quibuscumq; curam animarū habentibus intra duos menses à die adeptæ professionis in manibus ipsius Episcopi, vel eo impedito coram generali eius Vicario, seu officiali: seq; in Romanæ Ecclesiæ obedientia permansuros spondeant, ac iurent. Prouisi autem de Canonicatibus, & dignitatibus in Ecclesijs Cathedralibus non solum coram Episcopo seu eius officiali, sed etiam in Capitulo idem facere teneantur. Alioquin prædicti omnes prouisi, vt supra, fructus non faciant suos, nec illis possessio suffragetur.

Idem quoq; seruent, qui imposteriorum ad doctorales vel magistrales gradus promouebūtur in ipso promotionis actu. qui vero hætenus promoti sunt, & fidei professionē facere prout tenebantur ex bulla Pij Quarti omiserunt, pœnas in eadem bulla contentas incurrisse declarentur. Quæ bulla obseruetur etiam in omnibus publice vel priuatim, Theologiam, Canonicam, vel Ciuilem cēsuram, Medicinam, Philosophiā, Grammaticam, vel alias liberales artes profitentibus, & professuris sub pœnis ibidem contentis.

Professio vero fidei iuxta præscriptam formam semper fieri debeat, & in ea facienda præcipue obseruetur vt publice, & palam ab omnibus adhibitis testibus fiat, & coram Notario, qui eam in publicum instrumentum redigat, & in peculiarem librum ad eum tantum  
vsum

vsu comparatum vnà cum profitentis subscriptione referat. Liber autem in Archiuio Episcopali erit diligenter ad perpetuam rei memoriam asseruandus.

*De libris exhibendis.*

**C**VM Hæreticorum libros ad fidelium mentes inficiendas plurimū nocere cōmpertum sit: Propterea Episcopi Regulas Indicis de libris vetitis ex auctoritate fel. recor. Pij Papæ Quarti editas, ab omnibus seruari studeant, mandentq; Theologis, legum Doctoribus, Medicis, Ludi Magistris, alijsq; libros habentibus, vt librorum suorum notulā pariter ab eis subscriptam infra tempus statuendum, fideliter edant, præcipiantq; etiam omnibus, qui in eorum oppidis, & locis libros tam impressos, quam manuscriptos introducūt, vt illos nisi prius recogniti, & approbati fuerint, nec retinere, alijsue legēdos tradere, aut modo aliquo alienare, aut commodare audeant sub pœnis iuxta Indicis præscriptum per ipsos incurrendis. Hæredes quoq; vel executores vltimarum voluntatum Indicem librorum à defunctis relictorum intra mensem post obitum Ordinarijs suis exhibere teneantur, & debeant, nec ipsis vti, aut illos, nisi eorum indicē attulerint, vendere, vel alienare valeant: alioquin nullam excusationē prætereundere poterūt, quominus in censuras & pœnas Apostolicis constitutionibus decretas incurrissē censeantur.

*De sacrificio Missæ.*

**Q**VONIAM in diuino hoc sacrificio, quod in  
Missæ

Missâ peragitur, idem ille Christus continetur, & in-  
 cruenta immolatur, qui in ara Crucis semel se ipsum  
 cruenta obtulit. Ideo ut singulari religione, ac pietate,  
 & à sacerdotibus celebretur, & à populo colatur, iuxta  
 sacri concilij Tridentini præscriptum, diligenter epi-  
 scopi infra scripta seruanda, & cauenda curabunt, &  
 in primis:

Omnes sacerdotes etiam regulares, qui Romano  
 Missale vtuntur, in omnibus cæremonijs, ac ritibus in  
 formula Missalis præscripta ad vnguem cõueniant, ni-  
 hil addendo, aut mutando ex his, quæ in cuiusq; diei  
 Missâ continetur, vel etiam in ipsius Missæ ordinario.

Debitisq; horis celebretur, nec ante auroram, nec  
 post meridiem nisi ex legitima causa à lure permissa;  
 neq; bis in die, nec extra ecclesiâ, vel oratoria, nec pri-  
 uatis in ædibus, aut alio in loco præterquam in eccle-  
 sijs, aut oratorijs diuino cultui tantum dedicatis, ac ab  
 episcopo designatis & visitatis. & qui cõtrafecerit, Mis-  
 sas vespertino tempore celebrando contra bullam Pij  
 V. pœnis in eadem bulla contentis puniatur, in ceteris  
 vero à ministerio altaris per biennium suspensus esse  
 intelligatur, & graui etiam ab episcopo animaduersione  
 afficiatur.

Nullus præterea publice, & notorie criminofus, ac  
 presbyter alienæ diœcesis sine commendaticijs lit-  
 teris sui episcopi ab vilo episcopo ad diuina celebra-  
 da, & sacramenta administranda admittatur.

Ordinarij q; inuigilent, ac bene perspiciant, quæ-  
 nam diuini officij sint approbandæ, vel reiiciendæ cum

B exemplo

exemplo constet, innumerabiles fraudes hac in re committi consueuisse.

Sacerdotes celebraturi Missam, prius priuate perlegant, & percurrant, suisq; adnotent signis, priusquam ad altare accedant: ad quod postquam accesserint, ea qua decet reuerentia à principio vsque ad finem sacra mysteria peragant: clare, & distincte legant lectiones, epistolas, & Euangelia, & specialiter Secreta, ad hoc vt omnia inter celebrandum recte & compositè, nec minus celeriter, quàm decet, nec minus tarde peragatur.

Ad quæ omnia vt facilius inuitentur, omnibus Missam, antequam ad altare accedat, vt præmittitur, legentibus, & cum præmissa reuerentia celebrantibus, hæc Synodus quadraginta dierum indulgentiâ concedit.

Et vt puriores ad rem diuinâ accedant, omnes Missam celebraturi prius se colligant, & orantes in tanti mysterij cogitatione mentē defigant, & dum sacras vestes induunt, psalmos, & collectas recitent. hortamurq; vt singula saltem hebdomada peccata sua deuote confiteantur: quod & sæpius vnusquisq; facere debet, cum septies in die cadat iustus. Et quotiescumq; se in mortali peccato constitutum senserit, non celebret, non habita copia confessoris; nisi forte causa urgēs, vel necessitas immineat, quæ nisi graui cum scandalo nequeat præteriri: & tunc adsit contritio, & propositum confitendi iuxta sacri concilij præceptum.

Et quia per externi candoris speciem interior sacerdotum munditia denotatur: Ideo vt sacerdotes omnes superpellicis, amictibus albis, cingulis, manipulis, stolis



lis, planetis, dalmaticis, seu tunicellis, pluuiialibus, & paramentis candidis, & mundis ac integris, nō autem laceratis vtantur, episcopi curent.

Nemo vbi id commodē fieri poterit, celebret cum vino rubro propter corporalia, & purificatoria, quæ ex nonnullorum sacerdotum negligentia & incuria, aliquando adeo sordida inueniuntur, vt aliquibus horrori sint.

Nemo igitur corporalibus, aut purificatorijs imundis, aut sine debito tobalearum, ac duarum candelarum numero temere celebret, aut cum Calice fracto, vel rubigine consumpto, ac sordido.

Calices insuper sacerdotes semel in hebdomada lauent, & aquam in piscinam ponant.

Missæ vero eodem tempore in altaribus ita inter se disiunctis, & separatis celebrentur, vt alter sacerdos ab altero non perturbetur.

Omnibus etiam sacerdotibus præcipitur, vt nullius priuati causâ horam Missæ popularibus suis commodam, aut anticipent, aut differant: nec Missam inchoatam adueniēte aliquo repetant, nec ad altare expectēt, aut alia ratione contra rei sacræ decorū, aut populi utilitatem alicui obsequium præstent: & contra faciens arbitrio episcopi puniatur.

Tollant episcopi authoritate Tridentinæ Synodi sumptuosa conuiuia, ludos, choreas, ac quod ad auaritiā pertinet cuiusuis generis mercedum cōditiones, pacta, acceptiones munerum, & quidquid in nouis Missis, & earum, quæ publicæ oblationes dicuntur, ita

B 2 quòd

quòd penitus præmissorum omnium tollatur abusus.

Nullus etiam ad nouæ Missæ celebrationem admit-  
tatur, nisi prius fuerit ab ijs quos episcopus designaue-  
rit, examinatus, vtrum sit instructus in cæremonijs ne-  
cessarijs, noritq; alia, quæ in Missarum celebratione  
requiruntur. Qui autem in his deliquerit, per sex men-  
ses ipso iure ab altaris ministerio sit suspensus, & arbi-  
trio episcopi puniatur.

Prohibeantq; episcopi ne pauperes mēdicantes seu  
elemosynas petentes per ecclesias, tempore Missarū,  
prædicationum, aliorumq; diuinorum officiorū eant,  
sed ad valuas ecclesiarum stare faciant sub pœnis, quæ  
in Sanctissimi Domini nostri Pij Quinti bulla conti-  
nentur.

Religiosi quoque cuiuscūq; ordinis, status, & con-  
ditionis existant, sub excōmunicationis pœna non au-  
deant, & præsumant celebrare in aliquo loco extra co-  
rum ecclesias & monasteria Rectore contradicente.

Et quia contingit sæpe in quibusdam ecclesijs, vel  
tam magnum Missarum celebrandarum numerum ex  
varijs defunctorijs relictis impositū esse, vt illis pro sin-  
gulis diebus à testatoribus præscriptis nequeāt satisfac-  
eri; vel elemosynam huiusmodi pro illis celebrandis  
adeo tenuē esse, vt non facile inueniatur, qui velit huic  
se muneri subijcere; vnde depereunt piæ testantium  
voluntates, & eorū conscientias, ad quos prædicta spe-  
ctant, onerandi occasio datur: Ideo ad hoc vt relictā ad  
pios vsus plenius, & vtilius impleri possint, statuit pro-  
uinciale Concilium, quòd pro qualibet Missa celebrā-  
da



da in hebdomada saltē pro eleemosyna presbyter capellanus, vel celebrans annuos ducatos quattuor habeat; & in posterum capellę ædificandę non nisi cum dote secundum taxam prædictam erigantur; erectę vero ad eandem taxam reducantur. Vbi vero ob magnū Missarum numerum defunctorum voluntati satisfieri non poterit, episcopi eorum arbitrio, & cum maturitate Missas ipsas ad congruentem numerum reducant. Ita tamen ut eorum semper defunctorum commemoratio fiat, qui pro suarum animarum salute legata ea ad pios usus reliquerunt.

Neue Christiani fideles à propriarū parochialium cultu, & à diuinis audiēdis à proprio parocho, à quo Christianę fidei erudimenta salutaria monita festorū dierum, & circa contrahendas nuptias denunciationes exaudiant in posterum auertantur: statuimus, ut nullus presbyter, Beneficiatus, vel Capellanus cuiuscunq; capellę Dominicis, alijsq; festiuis diebus in oratorijs sodalitatū secularium, quas confraternitates appellant, alijsue ecclesijs, capellis, aut oratorijs secularibus, quę parochialis ecclesię finibus continentur, Missas, & alia diuina officia hora nimis præpropere celebrare, atq; ad ea audienda populū cōuocare audeat. Idēq; à ruralibus presbyteris, & capellanis aliquarum ecclesiarum parochialium, & capellarum obseruandū esse decernimus.

*De reliquijs, & veneratione Sanctorum.*

**R**eliquiæ Sanctorū in honestissimis locis, ac in decētissimis vasculis in ecclesijs asseruentur, & sola pietatis

tatis, non quæstus gratia luminaribus accensis populo ostendantur; nec ita passim sine episcopi licentia è vasculis extrahantur, ad infirmos nullo pacto deferantur. Qui temere aliter fecerint, ab episcopis ipsis pro modo culpæ pœna afficiantur.

*De festorum dierum observatione.*

**C**VM dierum festorum observatio ad Dei cultû maxime pertineat, & in lege diuina præcipiat ur: Ideo episcopi diligenter curent, vt dies Dominici, & alij ab ecclesia recepti, vel loci consuetudine, præcipue vero in honorem Dei, beatæ Virginis, & Sanctorum feriatum cum omni veneratione obseruentur per ciuitates, & diœceses iuxta Sanctissimi D. N. Pij. V. Bullam, & sacros canones.

Et omnes Christifideles in diebus præfatis ecclesias frequentent, diuinis officijs deuote intédant, à quibuscumque operibus illicitis, iudiciorum agitationibus, emporijs, nundinis, alijs mercatorijs cōuentibus exercendis quocunque nomine nuncupentur, abstineant, & maxime rustici, qui in hoc sæpe delinquant.

Conuentiones etiam, quæ consilia seu parlamenta vocant, si necessitas vrgeat, post vespèras tantum (dummodo non in ecclesijs, & cœmeterijs) fieri permittant.

Esculenta & poculenta venundari possint, dummodo id fiat post Missarum solemnias.

Qui vero festis diebus illicitum opus aliquod facientes deprehensi fuerint, præter diuinam ultionem & alias pœnas ex eiusdem bullæ dispositione infligat graui-

grauiter quoq; arbitrio episcopi pro modo culpæ puniantur.

Et vt festiui dies firmiter in hac prouincia obseruentur, infrascriptum Calendarium describi visum fuit.

*De Calendario festorum dierum.*

*I A N V A R I V S.*

*I Circumcisio Domini nostri Iesu Christi.*

*VI Epiphania Domini.*

*F E B R V A R I V S.*

*II Purificatio Beatae Virginis.*

*XXIV Matthiae Apostoli.*

*M A R T I V S.*

*VII Thoma de Aquino.*

*XXV Annunciatio Beatae Mariae Virginis.*

*A P R I L I S.*

*II Francisci de Paula.*

*XXV Marci Euangelista.*

*M A I V S.*

*I Philippi, & Iacobi Apostolorum.*

*III Inuentio sanctae Crucis.*

*I V N I V S.*

*XXIII Natiuitatis S. Ioannis Baptista*

*XXIX Petri & Pauli Apostolorum.*

*I V L I V S.*

*XXV Iacobi maioris.*

*A V G V S T V S.*

*X Laurentij Martyris.*

*IV Assumptio Beatae Mariae Virginis.*

*XXV Bartholomaei Apostoli.*

*S E P T E M B E R.*

*VII Natiuitas Beatae Mariae Virginis.*

*XXI Matthaei Apostoli, & Euangelista.*

*XXIX Dedi-*

## DECRETA PROVINC.

XXIX *Dedicatio Basilicae sancti Michaelis Archangeli.*

O C T O B E R.

XXVIII *Simonis & Iudae Apostolorum.*

N O V E M B E R.

I *Omnium Sanctorum.*XI *Martini Episcopi & confessoris.*XXX *Andrea Apostoli.*

D E C E M B E R.

VIII *Conceptio beatae Mariae Virginis.*XXI *Thomae Apostoli.*XXV *Natiuitas D.N. Iesu Christi.*XXVI *Stephani Protomartyris.*XXVII *Ioannis Apostoli, & Euangelista.*

## F E S T A M O B I L I A

*Omnes Dominica totius anni.**Feria Quinta in Cena Domini per horas Missarum.**Pascha Resurrectionis D. N. Iesu Christi, cum duobus diebus sequentibus.**Ascensio D. N. Iesu Christi.**Pentecostes cum duobus diebus sequentibus.**Festum sanctissimi Corporis Christi.**Præterea dies festos Patronorum ecclesiarum Cathedralium, & alios, qui peculiari quadam deuotione, & laudabili consuetudine nonnullis in locis huius provinciae obseruari consueuerunt, sanctificandos, ac fideliter obseruandos Episcopi curent.*

## De sacris Imaginibus.

**Q**uod autem ad sacrarum Imaginũ cultum, & uenerationem attinet, eam reuerentiã & honorẽ illis episcopi impendi curent, quam sacrosancta Tridẽtina synodus statuit; idq; sapius populum edoceri studeat. Atq; ut debitus cultus, honorq; dictis sacris imaginibus exhibeatur prohibuit, ne signũ tam salutiferũ Crucis,

cis, quàm beatissimę Virginis, & omniũ Sanctorũ, aut in immundis, & cõtemptibilibus locis, siue in paupẽ-  
tis post hac collocetur, & collocatum (si quid forte in-  
honeste depictum reperiretur) deleatur. Inobedientes  
vero pœnas ab episcopis statuendas luant.

*De Indulgentijs.*

**C**V M Indulgentiæ à summo Pontifice cõcessæ, pu-  
blicandæ erunt, doceât parochi, & apud Ecclesiam  
esse earum concedendarum potestatem à Christo illi  
collatam, & illarũ vsum plurimi faciendum, cum Chri-  
stifidelibus fructuosissimę sint ad animarum salutem.  
episcopi diligenter scrutentur si quæ absurditates aut  
indignitates ob ignorantiam, aut superstitionem, aut  
aliunde quomodocumq; prouenerint, & eas sigillatim  
adnotatas in proxima Synodo diocesana: si vero fue-  
rint abusus grauiores in prouinciali referant, vt com-  
muni consilio ad sanctissimũ Romanũ Pont. deferan-  
tur, Quo auctore, quicquid expedierit, constituatur.

Pius Quintus fel. re. Pont. Max. quascumq. Indul-  
gentias, etiam perpetuas, quas qui cõsequi voluissent,  
manus conferre deberent adiutrices, quas à quęstu du-  
ctas penitus abrogauit, quod neminẽ ignorare pium  
valde ac necessarium est; nec ab inferiore publicari  
possint absq; episcopi licentia.

*De Prædicatione verbi Dei.*

**I**Nter cetera, quę ad salutẽ populi Christiani spectant,  
pabulũ verbi Dei permaxime sibi noscitur esse ne-  
cessa-

cessarium : quia sicut corpus materiali, sic anima spiritali cibo nutritur, eo quod non in solo pane viuit homo, sed in omni verbo quod procedit ex ore Dei: vnde episcopi ex sacrosancti concilij Tridentini decreto, & per viscera Iesu Christi hortantur, cum hoc præcipuū munus sit eorum, vt in hanc curā toto animo incumbant, atq; ipsi oues suas verbi diuini prædicatione pascere non prætermittāt, & si legitime impediti fuerint, viros idoneos potentes in opere, & sermone assumant ad huiusmodi prædicationis officium salubriter exequendum.

Idem etiam fieri curent in alijs ecclesijs per parochos omnibus Dominicis, & solēnibus diebus festis: tempore autem Ieiuniorum, Quadragesimæ, & Aduentus Domini quotidie vel saltem ijs diebus quibus episcopi ipsi expedire iudicauerint.

Parochis impeditis per alios impensis eorum, qui eas præstare vel tenentur, vel solent deputandos in Ciuitate, aut quacumq. parte diocesis prædicandi munus expleri episcopi curent.

Sollicite etiam prouideant episcopi in parochialibus etiam si quouis modo exemptæ dicerentur, aut aliqui monasterio etiam extra diocesim forsan annexæ, vel vnitæ modo re ipsa in diocesi sint, vt diebus saltē Dominicis & festis solemnibus populus cælestis doctrinæ pabulo pascatur. quod si parochi etiam si ab episcopi iurisdictione se exemptos esse prætenderent, ab episcopo moniti trium mēsiū spatio muneri suo defuerint, per censuras ecclesiasticas, seu alijs ad ipsius arbitrium

arbitrium episcopi cogantur; ita ut etiam si ei sic expedire visum fuerit ex beneficiorum fructibus alteri, qui id præstet honesta merces persoluator donec principalis ipse resipiscens officium suum impleat.

Si quis prædicta adimplere contempserit, sciat se districtæ subiacere ultioni.

Et quoniam inuidens zizaniorum sator, semper humanæ salutis diabolus, quod in agrum dominicum per se directe non potest, id nonnunquam per suos quos possidet, cupiditatis igne succensos exquisitis modis efficere conatur: idcirco episcopi summo opere aduertant, cuius vitæ sint hi per quos verbum Dei seminatur in populo, ne plantare fingentes destruant.

Moneantq; episcopi quoscunque, qui hoc officio prædicandi funguntur, & per viscera Iesu Christi rogēt, ut ipsius Euangelium sincere populo prædicent, ac annuncient, imitentur eius vestigia viris Apostolicis præcipientis, Prædicare Euangelium omni creature, & iterum, Docete omnes gentes seruare quæcumq; mandata ui uobis.

Vtantur interpretationibus sanctorum Ecclesiæ antiquorum Doctorum, prout etiam in concilio Lateranensi constitutum est.

Cessent in sanctis concionibus profanarum legum minime necessariarum citationes, poetarum auctoritates, superuacue subtilium quæstiones, & plerumq; subtilium allegationes, ac hæreticorum opiniones & argumenta; nisi id vrgens necessitas postulet, & id quanto minus fieri potest, nominatim recenscāt, sed omnino



refellant, memores semper oportere eos, qui docent, & instruunt animas rudes esse tales, ut pro ingenio discipulorum semetipsos possint aptare, & verbi ordinem pro audientis capacitate dirigere.

Instruant populum ad observationem præceptorum Dei, ut fidem inconcussam teneant, atque omnibus mandatis Dei & Ecclesiæ pareant.

Decreta concilij Tridentini, præsertim, quæ ad mores, & Christianam disciplinam restituendam pertinent, & has constitutiones populo studiosius inculcent.

Parentes adhortentur ad bene educandos liberos suos adhuc in tenera ætate constitutos, cum ea ætas ceterarum ætatum fundamentum sit & principium.

In aliquem tacite vel expresse non inuehantur, sed generatim vitia redarguant, prælatos, & magistratus pie & reuerenter adinoneant, subditos ad eorum obedientiam excitent.

Non erubescant Christum crucifixum Christianis prædicare, cuius amorem studeant saxeis hominum cordibus infigere.

Sint in verbo discreti, & casti; quia Eloquia Domini, eloquia casta.

Præmoneantur Prædicatores prædicti ab episcopis, & curatis omnibus quid magis, vel minus pro loci, & popularium peccatorum qualitate sit audientibus enuntiandum.

Studeantque ea, qua decet charitate abusus ciuitatis, & diocesis tollere, & in his sistant, ut sic circa eos opportune, & importune insistentes quotidie populum



lum ad amorem Dei trahant, vitia detestentur, ad virtutum amplexus auditores allicientes.

Habeant præ oculis honorem Dei, & animarum salutem, nihil ad gloriam, & ostentationem facientes.

Non quæstui intenti, nec quæ sua, sed quæ Iesu Christi sunt quærentes, ut sic iuxta veritatem, dent cibum in tempore, & frangant esurienti panem.

Supradicta omnia, quæ concionatores observare tenentur, episcopi non solum concinatoribus ipsis notificent, sed in licentijs eisdem de prædicando in eorum diœcesi concedendis inserant.

Regulares cuiuscumque ordinis inemerint se nisi à suis superioribus de vita, moribus, & scientia examinati, & approbati fuerint, ac de eorum licentia etiam in ecclesijs suorum ordinum prædicare non posse. cum qua licentia personaliter se coram episcopis præsentare, & ab eis benedictionem petere teneantur antequam prædicare incipiant: quibus contradicentibus, etiam in prædictis suorum ordinum ecclesijs prædicare non præsumant.

Regularibus vero extra claustra, & obedientiam religionum suarum viuentibus prædicatio interdicitur etiam quorumlibet priuilegiolorum prætextu.

Et quia sæpe oriri solet contentio in eligendo Prædicatore: ideo ad tollenda scandala, hæc synodus inhibet, ne seculi potestates, magistratus, aut vniuersitas aliqua villo pacto se se ingerant in Prædicatore eligendo, cum totum hoc munus ad episcopos, & ecclesiarum Rectores ex sacrorum Canonum dispositione pertineat;

qua

qua in re si difficultas aliqua suborta fuerit, ad ordinarium deferatur, qui modis omnibus ecclesiarum immunitati consular, sicut magis conducere iudicauerit.

Statuit etiam hæc synodus, vt transacto quadragesimali tempore, & alijs temporibus, prædicatores omnes, qui in ciuitate, & diœcesi vice episcoporum, aut curatorum laborauerint, quasi villicationis suę rationē reddituri, se conspectui episcopi, aut vicarij præsentent, relaturi quomodo tam secularium, quàm regularium vita, & mores se habeant; si quid sit, cui pro Dei honore & subditarum animarum salute consulendum sit: Quod si quis in se præsentando (iusta cessante causa) contumax fuerit, episcopi de cetero eundē ad prædicandum non admittant.

Ab historijs apochryphis, & miraculorum non approbatorum recitatione penitus abstineant.

De Conceptione beatæ, & gloriose semper virginis in popularibus concionibus propriam sententiam asserendo & contrarium refellendo, aut impugnando disputare non audeant: sed Bullā pię recor. Pij Papæ Quinti, super hoc editam inuiolabiliter obseruent.

Passionem Domini nostri Iesu Christi lucescente die nisi locorum ordinarijs aliter expedire videbitur docte, pie, & grauitè exponant, nihilq; in ea, quod à Christiana disciplina & à tanti mysterij dignitate alienum sit, etiam ad lachrymas commouendas dicatur deinceps, aut modo aliquo fiat.

Studebunt episcopi, vt cum ipsi prædicare non poterunt prædicationibus semper assistant, vtque clerici  
omnes

omnes cuiuscumq; dignitatis fuerint, in eis intersint, prouideant, & seculares dominos, magistratus, & officiales omnes in concionibus adsint sæpe commoneant, vt eorum exemplo populus ad audiendū verbum Dei reddatur alacrior.

*De præbenda Theologi, & lectione  
sacra Scriptura in Monasterijs.*

SACRARUM scripturarum lectioni incumbendum esse, in eaque assidue versandum tum Apostoli ad Timotheum, tum sanctorum Patrum, & Cōciliorum admonitione docemur; nouissime etiam generalis Tridentini concilij decreto iubemur: quare si in cathedralibus aut alijs in collegiatis ecclesijs insignibus præbenda, seu stipendium sacrae Theologiæ doctōri & interpreti adhuc assignatum aut deputatum non existit; ne tam vile, tamq; necessarium munus omittatur; statui-  
mus, vt ab episcopis primo quoq; tempore iuxta prædicti generalis concilij præceptū statuatur, vel ex præbenda quomodocumque, præterquam ex causa resignationis proxime vacatura, cui aliud onus incompatible, & quatenus in ipsis ecclesijs nulla, vel non sufficiens præbenda foret Metropolitanus vel episcopus ipse per assignationem fructuum alicuius simplicis beneficij, eiusdem tamen debitis supportatis oneribus, vel per contributionem beneficiatorum suę ciuitatis, & diœcesis, vel alijs, prout commodius fieri poterit, de Capituli consilio ita prouideat, vt ipsa sacra scriptura lectio habeatur.

Admo-

Adinoneantur insuper omnium monachorum superiores, ut in Conuentibus ipsorum, ubi sacrę scripturę lectio commode haberi poterit, illam à Capitulis generalibus, vel prouincialibus dignioribus magistris secundum prædicti decreti ordinationem assignandam curent. Quod si facere neglexerint, episcopi omnes, ut Apostolicę sedis delegati, eos ad id opportunis remedijs compellant.

Is vero qui lectioni huiusmodi deputatus fuerit tam publice quam priuatim non admittatur nisi prius de vita, moribus, & scientia fuerit examinatus, & approbatus, & ad fidei professionem admissus, iuxta sæpe memoratas litteras fel. rec. Pij Papę Quarti.

Is etiã qui deputatus, & admissus fuerit statutis diebus, & horis in loco per episcopum designato sacrę scripturę libros, atq; alios pro caluum pænientialium cognitione à curatis, & sacerdotibus habenda interpretabitur.

Curent episcopi, ut in hac lectione clerici omnes, ad eam lectionem idonei cuiuscũq; gradus intersint; utq; proficiant singulos hortentur, & læpius admoneant ut demum cogant.

*De sacris verbis non abutendis.*

**P**rohibeant episcopi ut ab idiotis præcipue, & litterarum ignaris de his quę ad fidem pertinet nec publice nec priuatim disputetur, & non solum in eos, si pertinaces fuerint, sed etiam in omnes sacrę scripturę verbis, vel sententijs ad scurrilia dicta, detractiones, adula-

adulationes, superstitiones, incantationes, libellos famosos, aliosq; profanos, & illicitos vsus abutentes seuerrissime animaduertant: quod etiã fieri volumus in omnes, qui vestibus clericorum tam sæcularium, quàm regularium, vel eorum similibus in profanis representationibus vsi fuerint, easdemq; personas ecclesiasticas habitu, aut verbis deriserint.

*De sacris actionibus non representandis.*

**P**IA fidelium consuetudo representandi venerandam Domini nostri Passionem, & gloriosa martyrum certamina eò hominum malitia deducta est, vt ex huiusmodi representationibus oblectari, ad risum sæpius & scandalum excitari potius quàm ad pietatem, & lachrymas accendi & commoueri soleant astantes. propterea prohibemus ne deinceps in sacro nec in profano loco publice vel priuatim agantur, ac represententur, absque præcipua ordinariorum licentia; qui quod pietati, aut religioni congruere iudicabunt, hac in re pro eorum prudentia statuent.

*De Processionibus.*

**P**ROCESSIONES eo tempore fiant, eo ordine, & religione qua decet, ad quas accedere omnino teneantur non solum regulares, & exempti, sed etiam confraternitates laicorum secundum consuetudinem loci, aut secundum quod fuerint ab Episcopo conuocati.

In quibus omnibus Processionibus, & præsertim in festo sanctissimi Corporis Christi in locis per quæ ince-

D dere

dere solent, is ornatus, apparatus, & decor appareant, qui præsentiæ, & aspectui Saluatoris Domini nostri cōuenire videantur. Fideles vero in associatione, reuerentiam, pietatem, & religionem eam seruent, vt fructum tam pij operis, & laboris à Domino consequi possint. Laici à clericis, fœminæ à viris separatim prosequantur.

Inter viam non inaniter spectandi gratia subsistatur. actiones pro foribus ædium, aut in via non repræsententur, & ne quæ minus deceant spectacula adhibeantur. Edendi, & bibendi consuetudinem in sacris supplicationibus episcopi, & parochi omnino tollant.

Processiones quæ in aliquibus locis in die Resurrectionis à prandio fiunt, deferendo sanctum chrisma, tamquam ab Ecclesia non institutæ, tollantur.

## SESSIO SECVNDA

### CELEBRATA DIE XII. MENSIS

### M A I I, M. D. LXXIX.

#### *De Sacramentis, & eorum administratione.*

**P**ARACHI ad cælestem, & amplissimum sacramentorum thesaurum dispensandum destinati, vt populus ad ea suscipienda maiori cum reuerentia, atq; animi deuotione accedat, eorum vim, ac naturam populis suis vernacula lingua

lingua non desistant sæpissime explicare.

Studeant Episcopi, vt in sacramentis administrandis omnes ritus, ac consuetudines seruentur, quæ Sanctæ Romanæ Ecclesiæ aliarum matris, & magistræ conformes sint, indictis etiam, si opus erit, arbitrio pœnis.

Ministri ad quos oleorum distributio spectat, caueant, ne quid accipiant pro illorū receptione, etiā sponte datum, sub pœna suspensionis, quacumq; consuetudine etiam immemoralibili non obstante.

Oleis sanctis, sanctoq; Chrismate veteribus nō vtantur sub pœnis à sacris canonibus statutis.

Et ne propter irreuerentiam sacramentorū ira Dei sæuiat in ministros, & ne ab eis, quæ ad salutem proposita sunt, temeraria manus extendi valeat ad aliqua horribilia, & nefaria exercēda: ideo olea sancta, sanctumq; Chrisma tanta reuerentia, & diligentia custodiantur, vt clauēs eorum Parochus tantum, sicut dictum est, retineat, & apud se obseruet: neque alteri, nisi ex vrgenti necessitate committat, ne illis abutendi facilis occasio relinquatur; quod si vnquam euenerit (quod absit) & qui conuerterit, & qui consenserit ad alium vsum quàm ad quem sunt instituta grauissimis, & legitimis pœnis ab Episcopo infligendis corripiantur.

In administrandis sacramentis Sacerdotes semper superpelliceum, & stolam adhibeant, nec aliquid pro eis exigant à quoquam, sed illa gratis omnibus conferant. Curent autem, vt mundi à mortali peccato illa administrent.



*De Baptismo.*

**B**aptismus non nisi in Ecclesia ac à sacerdote solemni ritu ministretur, nisi immineat vrgens necessitas, ac vitæ periculum; tunc vero hoc munus omnibus promiscue permissum est, modo mulier si mares adsint, laici præsentibus clericis cedant, ac clerici sacerdotibus, & Ecclesiæ forma, ac debita materia naturalis aquæ vtantur: quamquam obstetrices quæ baptizare consueuerunt, non sunt improbandæ, si interdum præsentem aliquo viro, qui huius sacramenti conficiendi minime peritus sit, id exequantur.

Quæ omnia sæpe materna lingua, & Parochi, & confessarij exacte populares doceant, tum ne res tanti momenti aliqua inscitia, aut errore inanis efficiatur; tunc etiam, vt omnes intelligant quo in honore tam necessarium sacramentum habendum sit.

Quia ex characteris vi & natura ab Ecclesia definitum est baptismi sacramentum nulla ratione reiterandum esse: Ideo ne reiteratio contingere possit, aut necessarium omittatur, præcipitur omnibus, qui baptizandi munere funguntur, vt cum delatus fuerit infans ad Ecclesiam baptizandus, deferentes interrogent, fuerit ne ille domi baptizatus, & si pro certo confirment non fuisse baptizatum, adhibita forma Ecclesiæ simpliciter sine vlla verborum conditione dicant: Ego te baptizo, &c. sin autem testentur, aut certo sciatur puerum baptismum priuatim in ædibus suscepisse, sacerdos adhibeat tantum ritus, ac ceremonias baptismi, nec proferat vllum modo for.



do formam, nec infantem abluat; sed dicat, Quia tu es baptizatus, ego te benedico in nomine Patris, & Filij, & Spiritus sancti, Amen: sed si res dubia ita sit vt vere nesciatur an sit baptizatus, tunc minister (premissis ritibus, ac cerimonijs) conditionaliter hæc verba tantum proferat: Si tu non es baptizatus, ego te baptizo in nomine Patris, & Filij, & Spiritus sancti, Amen.

Parentes, & ij, quorum cura est, quamprimum infantem ad suscipiendum baptismū in Ecclesia vel catechesim seu exorcismum deferendum curent: quòd si neglexerint excommunicationis poenam subeant.

Nec Parochus ad tenendum infantem admittat in baptismo, qui fidei rudimenta ignorat, & qui excommunicatus sit, atq. in sancto illius anni Paschate confessionem, ac communionem omiserit, & ad euitandum familiaritatis occasionem, regulares leuare non patiatur: si vero Parochi culpa, vel negligentia secus in prædictis factum fuerit, arbitrio ordinarij puniatur.

Curent Episcopi vt sacri baptismini fons sit non è petra lateritia, sed è marmore: & si petra reperiretur, quæ tuta non sit, & aqua effluat, vas in eo æneum stanneatum ponatur, quod eiusdem magnitudinis sit ac petra ipsa, eamq. strictim vndiq. & apte tangat, eiq. coniunctim adhæreat: atq. id donec petra alia tuta cõparetur, quod erit curandum, vt quamprimum fiat, & fons ipse in cathedralibus cancellis obseratus, & in loco Ecclesiarū omnibus conspicuo sit; si quid non impedierit.

Operimentum quod ciborium appellatur, habeat, & ita aptum, vt sancta olea, atq. alia ad baptizandum necessaria

necessaria commode ibi asseruari possint, & conopæo-  
tegatur.

Habeatque vas vitreum cum mansula pro effudēda  
aqua super capite baptizatorum.

Vasa Sacramentorum vsualia sint saltem stannea,  
munda, & nitida.

Sacrarium in pariete excauatum sit, vel in columnel-  
la iuxta illum fontem erecta: quod omnino iuxta fon-  
tem ipsum adsit, & eodem sepro plane, & fons ipse &  
sacrarium concludatur.

Septumque si ferreum, vel lapideum esse non pote-  
rit, ligneum construatur.

Habeatque picturam in pariete, ( vbi commode fie-  
ri poterit ) sancti Ioannis Christum Dominum bap-  
tizantis, & omnia cō ornatiores atq; decentiores sint inte-  
rius, & exterius, quō Ecclesia ipsa insignior erit, & quā-  
to magis fieri potest, decenter instructum sit.

Curent omnino sacerdotes, ne cum hoc baptisma-  
tis sacramentum administratur, dissolutiones, risus, aut  
clamores fiant; sed sacerdotes, & qui assistunt, valde de-  
uoti permaneant, cum mysteria singularia in hoc sa-  
cramento contineantur: quinimmo ea cum reueren-  
tia sacramentum istud sicut & cætera ministrent, aliās  
Deum nouo peccato mortaliter offendent.

Si apud Gentiles potissima cura erat, vt parentes  
honestis filios suos nominibus appellarent, asserentes  
etiam quōd si pulchra nomina venderentur, deberent  
emi: quanto magis Christiani homines delectari, atq;  
gloriarī deberent, illis licere liberis suis ea Sanctorum  
nomina

nomina imponere, quorum veluti tali cognomine gaudentium suffragijs liberos suos fulcitos custodiri continue, & præseruari pium sit credere: vnde cum nonnulli valde huic Synodo errare videantur, dum leuitate quadam aut ipsi nouorum nominum auctores haberi volunt, aut si qua à suis maioribus acceperunt, tamquam gentile patrimonium ad posteros certa fide transmittunt. Omnes igitur vtriusq; sexus hortatur, ne infantulos suos baptizandos nominibus Paganorum, aut Gentilium, sed nominibus Sanctorum, aut Sanctarum iuxta ritum Christianum nominare velint.

Liber habeatur ac sedulo custodiatur, in quo Baptizatorum nomina, & cognomina tum parentum, atq; compatrum baptizantis manu conscribantur, ac an ex legitimo matrimonio infans natus sit, quoue die natus & baptizatus fuerit: alioquin Ecclesiæ Rector Episcopi iudicio mulctetur, & copia libri singulis annis Episcopo deferatur in episcopali archiuio conseruanda.

Infantes quâdo deferuntur ad ecclesiâ facibus accésis nõ associantur, sub pœna arbitrio Episcopi imponenda.

Parochi puerperas moneant, vt cum primû post partum domo exierint, statim ad Ecclesiâ Deo acturę gratias accedât, vbi benedictionem à Parocho suscipiant.

Cum baptismalis aqua in fontibus renouatur, veterem in sacrariû infundant, illamq; petentibus ad superstitionum vitanda fomenta omnino denegent.

Prægnantes deniq; mulieres, vt cum nonû mensem attigerint, confiteantur, & sanctissimâ Eucharistiam sumant sedulo hortentur, & frequenter commoneant.

*De Con.*

*De Confirmatione.*

**S**I in sacramento confirmationis explicando pastorū diligentia requirenda vnquam fuit, nunc certe opus est illud quam maxime illustrare: cum in sancta Dei Ecclesia hoc sacramentum à multis prætermittatur; paucissimi vero sint, qui diuinæ gratiæ fructum, quem deberent, ex eo capere studeant: Ideo episcopi antequam confirmationis sacramentum administrent, per octo dies antea præmoneri curent omnes confirmandos, vt ad sacramentum percipiendū digne se præparent, aut per se, aut per alium eius vim, dignitatē, & mysteria dilucide explicēt, ac denuncient ex eo inter cōfirmantē, & confirmatū, illius patrem, ac matrem, & tenentē eandem cognationem spiritualement nasci, nec minoris estimandam, quàm quæ ex baptismo gignitur, ac propterea inter eos carnale Matrimonium contrahi non posse, & cætera quæ Tridētinæ Synodi traduntur decreto.

Adultos qui in ea ætate confirmandi sunt, si huius sacramenti gratiam, & dona consequi cupiant, non solum fidem & pietatem asserre, sed grauiora etiam peccata, quæ admiserūt ex animo dolere oportet: ideo admoneantur vt confessi, vel saltem contriti, & ieiuni ad confirmationem ipsam suscipiendam se conferant.

Excōmunicatis, ac eo anno in Paschate non confessis, quiue communionem non acceperint, confirmandorum paternos esse non liceat.

Parochi describant confirmatos, & compadres seruatis cæteris omnibus, quæ de libro baptizatorum describendorum, superius sancitum fuit.

*De Sanctissima Eucharistia.*

**I**N altari maiori, vbi id commode fieri poterit, aliàs in decentiori loco omnium cathedralium, collegiatarum, ac aliarum curatarum ecclesiarum, nisi necessaria, vel graui de causa Episcopo aliter videbitur, Sanctissimum Eucharistiæ sacramentum reponatur in tabernaculo saltem ligneo picto, & deaurato, veloq; serico contexto, & intus ornato bene ac tute clauso, cuius clauis à nemine præterquam à Parocho teneatur, ita aperto, vt ex eo possit ipsa Sanctissima Eucharistia commode extrahi, neq; super altare propterea ascendendum sit, vacuo à reliquijs vasculo, olei infirmorum, atq; inani vase, vt omnino nil aliud ibi conseruetur quàm vas vbi sanctissimi Christi corpus reponitur. Sit autem vas illud argenteum deauratum, & interius corporale vnde quaque munitum, eodemq; substratum: Et ne ex aliqua negligentia, & incuria corruptio generetur, ad minus decimo quinto quoq; die innouetur, & coram illo lampas in conspicuo non à latere perluceat. Quæ si negligentia Parochi, aut auaritia corrupta & extincta reperientur, Episcopi arbitrio Parochus puniatur.

Antiquæ custodiæ, quæ in pariete Sanctissimi Sacramenti inueniuntur penitus amoueantur, vel signo omnino deleto, in alios vsus adhibeantur, vt reliquiarum, aut olei infirmorum.

In omnibus Ecclesijs parochialibus societas corporis Domini quamprimum erigatur, & vbi erecta reperitur, omni diligentia conseruetur, & Episcopi eas visitent, reforment, & amplificent, omniaq; faciant, vnde

E omnes

omnes earū functiones exerceant, ac instituta seruent, & si in ciuitate vel oppido aliquo duę Sanctissimi corporis Domini Confraternitates reperiantur, vniantur, & in vnā redigantur, vbi id sine scandalo fieri possit.

Quando in sepulchro sanctissimum Christi corpus reponitur, clauēs sepulchri penes Episcopum, vel Parochum asseruentur; nec laici cuiusuis conditionis existant, in eo se ingerant, nec id Episcopi permittant, sepulchrumq; ipsum mulieres de die tantum, & non de nocte visitent, nec in sepulchro imagines laruatæ, nec obscenæ repræsentationes adhibeantur, foresq; ecclesiæ de nocte obserentur.

Dum Sacrosanctæ Eucharistiæ viaticum per vrbes, & oppida ad infirmos deferretur, superposita vmbella tegatur, & quā plurimis luminaribus associetur tintinnabulo semper præcedente. Episcopi vero, & monitis, & indulgentiarum promulgationibus fideles vehemēter excitent, quam frequētissime ac deuotissime illud comitentur, ac omni alia ratione venerentur.

Et in qualibet Parochiali ecclesia sit vna lāterna honorabilis, aurata cum suo baculo in vsu habenda, ne in itinere, aut vētorum turbine, aut nimborum vi lumen deficiat.

Parochi partes erūt fideles crebro adhortari, vt quē admodum corpori in singulos dies alimentū subministrare necessarium putant; ita etiam quā sēpius hoc sacramento alendæ & nutriendæ animæ curā non abijciant, neq; enim minus spiritali cibo animam, quā naturali corpus indigere perspicuū est: vehementer au-

tem

tem proderit, si sæpe inter Missarum celebrationē Parochus populum admoneat de antiquæ ecclesiæ consuetudine quotidie communicandi: quia ad frequentationem huius sacramenti inflammabuntur, & saltem singulis annis in diebus Resurrectionis, Pentecolles, Natalis Domini, ac Beatissimæ Mariæ Virginis Assumptionis confessione peccatorum facta Sanctissimā Eucharistiam accipere assuescant, recitetq; caput illud Lateranenū Concilij, quod incipit: Omnis vtriusq; sexus in Quadragesima. & vulgaribus verbis exponat, ut pœnam quam infert agnoscens, semel ad minus in Paschate non omittant communicare.

Parochi non minus ciuitatis quàm diœcesis transacta octaua Paschatis oues suas recenscant, & qui eo tēpore confessi non fuerint, & Eucharistiam nō sumpserint, nullius habita ratione eorum nomina, & cognomina in schedula ad Episcopos deferant: nec non publicos etiam adulteros, concubenarios, & concubinas, blasphematores, vsurarios, & de hæresi suspectos, nec non eos omnes, qui contra Tridentinum Conciliū in gradibus prohibitis matrimonia cōtraxerunt; aliàs grauius ab Episcopo mulctentur. Delatis vero ut supra, & contumacibus ecclesiæ ingressus in vita interdicator, & ecclesiastica sepultura in morte denegetur. & si in cōtumacia perseuerauerint, per mensem excōmunicetur: deinde si spretis censuris nō resipuerint, acerrimis pœnis afficiantur; quòd si per annum in censuris perseuerauerint, contra eos tanquam de hæresi suspectos ab Episcopis procedatur, iuxta Tridētini Cōcilij decretū.



Et ne fraus aliqua fiat, qui tempore Paschatis domo abfuerint, nisi veram fidem authenticam habeant de suscepta alibi communione; quamdiu in propria parochia Eucharistiam non sumant cum ijs, qui præsentes sumere neglexerunt, eadem prædicta pœna puniantur. Qui vero extra propriam parochiam in Paschate Eucharistiam sumplerit absq; Parochi licentia, habeatur, ac si non communicasset.

Regulares vero, qui Eucharistiæ sacramentū eo tempore administrare præsumperint, cōtra quod dictum est, sciant ipso facto se excommunicatos esse, à sancta sede Apostolica tantum absolvendos, & statim per ordinarios pro excommunicatis publicandos, iuxta constitutionem felicitis recordationis Clementis Papæ V. (saluis tamen in omnibus indultis, & priuilegijs Apostolicis per eandem sedem Apostolicā non derogatis).

Cum multi reperiantur, qui in concubinato, vsuris, & alijs notorijs peccatis perseuerantes, & scandalosi, aut obligati ad restitutionem bonorum promittant se omnino ad meliorem vitæ frugem reducere, aut infra terminum competentem sibi assignatum iuxta facultates suas satisfacere, & promissa non exequantur: ideo hæc Synodus decreuit, vt publici concubinarij, vsurarij, fures, blasphemæ, & alij huiusmodi facinorosi homines, si semel ad pœnitentiā, & communionem admissi fuerint, & postea in eodem peccato permanere, & adhærere cognitum sit, amplius ad communionem non recipiantur, nisi postea eos vitam, & mores re ipsa emendasse Parochi compererint.



*De Pœnitentia.*

**N**E imperitorum culpa confessariorum contingat, vt qui innocentie nauim fregerunt, secunda pœnitentie tabula apprehensa ad salutis portum peruenire nequeant; interdicitur omnibus secularibus presbyteris, qui parochialibus non præsunt ecclesijs, & quorumcumq; ordinum etiam Mendicantium, ne posthac secularium confessiones quoquomodo audire audeant vel præsument, nisi prius expresse approbentur ab ordinarijs, præuia vt Parochorum, examinatione, & scriptam acceperint licentiam: quibus tamen omnibus approbatis, etiam vigore Maris magni, & priuilegiarum non liceat à casibus Episcopis reſeruatis, etiamſi excommunicationem annexam non habeant, absoluere, iuxta declarationē aliā factam per congregationem Illuſtriſſimorū Cardinalium de mente Sanctiſſimi, ac Constitutionem Pij Quinti de Priuilegiarū Mendicantium confirmatione, ac Sanctiſſimi Gregorij XIII. de litterarum Pij Quinti ad ius commune, ac Concilij Tridentini Decr. reductione.

Prioribus, Guardianis, Custodibus, Vicarijs, & alijs quorumuis Mendicantiū fratrum, & aliorū quorumcumq; religioſorum, præſectis monaſteriorum, & eccleſiarum præcipitur, vt in eccleſiarum ſuarum, & conuentuum loco ad legendū aptiore tabulam continentem nomina Confessorum ab Episcopo approbatorū, ac ſigillo munitam ſtatuāt, & affigant, ad hoc, vt qui voluerit ipſis Religioſis confiteri, videat prius ſi ſint de illis, qui fuerint ab Episcopo approbati: & nemo vllam poſſit

possit vnquam exculationē afferre, si cæcus à cæco ductus ambos in foueā cadere cōtingat; cum illis, qui nō ab approbato Confessore absolutionē acceperint, iterum confiteri necesse sit. Confessores vero erunt grauis simis pœnis ab Episcopis coercendi, qui contra hoc decretum facere præsumpserint; atq; etiam superiores, qui negligentes in affigenda tabella fuerint: idem obseruetur, & habeat locum in ecclesijs sæcularibus.

Ad euitanda scandala, quæ aliquando in confessionibus solent contingere, hæc Synodus præcipit, vt confessiones, præsertim mulierum, in loco aperto, & euidenti audiantur, nec ante ortum, vel post occasum solis, nisi necessitas, vel aliqua rationabilis causa aliud suadeat; extra ecclesiam, & sedes, seu confessionalia confessiones non audiantur, nisi in necessitatis causa tantum, & ex personarum respectu. & qui contrafecerit, in pœnas, quas dignas Episcopi existimauerint, incidat.

Caueant Confessarij ne pœnitentias pecuniarias pro peccatis infligant, præsertim illas sibi vel ecclesiæ suæ, aut monasterio applicando, aut cuiquam per ipsum nominando; sed imponant pœnitentiam ieiuniorum, orationum, peregrinationum, seu elemosynarum per pœnitentes, inter quos maluerit dispensandarum, non quærentes quæ sua sunt, sed quæ Iesu Christi, neq; etiā signo vel verbo aliquid petant; ceteraq; omnia vitent, quæ confitentibus, aut populo, scandalo esse possint: alioquin ordinariorum iudicio pro commissi qualitate plectantur.

Confes-

Confessarij canones pœnitentiales non ignorent, vt confitentes ex eis peccatorũ grauitatem conijcere, & cognoscere possint, atq; inde facilius ad antiquam satisfactionum seueritatem, quoad fieri potest, opere, vel saltem animo se transferant: habeantq; etiam omnes casus reseruatos Episcopo, & summo Pontifici, & præsertim Bullam, quæ quotannis in cœna Domini legi consuevit.

Caueant Confessarij omnino, ne verbo aut signo, aut alio quouis modo aliquatenus prodant peccatorem, sub pœnis à iure cõmuni sancitis, & alijs Episcopi arbitrio infligendis.

### *De Ieiunio.*

**S**Acra Ieiunia, quæ Ecclesia indixit, qui sine legitima causa violauerit, præter eam, in quam incidit interdictis vtendo cibis, Dei offensionem, seuerè ab eo iudicandam, Ordinarij etiam arbitratu puniatur, habita contemptus, aut reiterationis ratione.

Ieiuniorum tempore, & præcipue Quadragesimæ, carnes non vendantur, nisi in loco deputato, & ijs tantum qui licentiam Medici, & Ordinarij habuerint, nec cuius absque eadem licentia illas edendi potestas sit: & extra Vrbem Parochus suppleat: illis tamen conditionibus seruatis, quas Episcopi iuxta eorum conscientiam necessariò apponendas iudicauerint.

Moncan-

Moneantur omnes Christi fideles, ut ieiunia omnia seruent, & maxime vigilias ab Ecclesia indictas, ac eas, quæ in ciuitatum, ac aliorum locorum patronorū honorem constitutæ sint. Ingrati enim animi est non omnia in eorum venerationem impendere, quorum patrocinijs, ac precibus infinita à Deo beneficia accipiant.

Hortantur omnes, ut laudabilem consuetudinem, ubi adest, huius prouinciæ de non edendo caseum, & oua in feria sexta, & sabbato amplectantur, & seruent, prout tenentur.

*De casuum reservatione.*

**E**Piscopi in reseruandis casibus, ad id potissimum intendere debent, ut à peccatis, quæ maxime enormia sunt, & frequenter committi solent, difficiliore impetrandæ veniæ gratia homines arceantur, & ad ea iterum perpetranda retardentur; quare eos tantum sibi reseruare studeant, quos necessarie reseruandos esse sciant: cumq; ad ædificationem nō in destructionem in subditos supra reliquos sacerdotes inferiores huiusmodi auctoritatem habeant, ne confitentes à suis Parochis absolutionem desperantes, omnino confiteri negligant, aliorum casuum Episcopaliū facultatem absoluendorum, eisdem Parochis pro eorum doctrina, & prudentia libere concedant. Neue tam Parochi, quàm Confessarij casus summo Pontifici, vel Episcopo quacumq; ratione reseruatos per incuriam absoluendi facultatem, frustra tamen, & inutiliter assumāt, eos apud

Paro-

Parochos, & confessarios ipsos scriptos esse procurent, & quamprimū fieri poterit, diligenter provideant, vt quando fideles cum charitate ad superiores dirigere, vel facultatem ab ipsis impetrare oporteat, clarius nescant.

Curabunt Episcopi, vt Parochi fideles omnes sibi commissos frequentius commonere non desistant, ne confessionem, quæ Paschæ tempore fieri debet, vsque ad sanctam hebdomadam differant.

*Constitutio obseruanda per Medicos.*

**E**X carnali coniunctorum affectu, & medicorum incuria, à quibus infirmitatis discrimen febricitantibus remissius quàm debet insinuat, plerumq; fit; vt eis aut numquam animarum vocandi medici ratio inculcetur, aut cum in extrema ægritudine cōstituti sunt, necessario suadeatur, in desperationis periculum incidant, & absq; ecclesiasticis sacramentis depereant: quare huic malo occurrere, & animarū saluti in Domino, sine quo vana est salus hominis, consulere volentes; singulis medicis Physicis, & Chirurgicis sub pœnis in constitutione se. re. Pij Papæ V. contentis, districte præcipiendo mandamus, quatenus cum ad infirmos eos vocari contigerit, ipsos ante omnia moneant, & inducāt, vt infra triduum, nisi morbi qualitas maiorem celeritatem desideret, animarum medicos aduocent, & sanctissimam Eucharistiam sumant, neq; tertio die eos visitent, si præmissa non adimpleuerint, aut longius tēpus confessorem ex aliqua rationabili causa cōcessisse

constiterit; vtq; constitutio ipsa, qua alia in Cōcilio Lateranensi sub Innocētio III. super hac re edita innouatur, omnibus innotescat, eam semel in mense in Cathedralibus Ecclesijs, & ab vnoquoq; Parocho publice inter Missarum solemnias legi, & publicari decernimus.

*De Pœnitentiario.*

**E**piscope, qui in suis Cathedralibus Ecclesijs Pœnitentiarium ex Tridentini Concilij præscripto instituere omiserunt, vbi id commodè fieri poterit, quamprimum instituant, eidemq; de præbenda primo quoque tempore vacatura provideant.

*De Extrema vñctione.*

**E**xtremæ vñctionis sacramentum debita cum reuerentia præstandum est, & in tuto & honesto loco & in vasculo argenteo, vel saltem stanneo iuxta facultatē Ecclesiæ asservandū, à sacris oleis distinctum, & in pyxide eleganti forma cōfecta, velo serico superimposito ad infirmos deferendū, & ad illos præsertim inungendos accedere oportet, qui tam periculose decumbunt, vt in exitu vitæ constituti videatur: adhuc tamen, quid agant, intelligant, & sensu, quantū fieri potest, integro existant: nec alius sacerdos verba in quibus forma sacramenti consistit, quàm ipsemet vngens proferat.

Parochi persuadere studeant ægroto, vt ea fide se vngendu in sacerdoti præbeat, qua olim qui ab Apostolis sanandi erant, se ipsos offerre cōlueuerant, & omni studio curent, vt ante extremam vñctionem secundū perpetuam

petuam Ecclesiæ consuetudinem Pœnitentiæ, & Eucharistiæ sacramentum administretur :

Impœnitentibus vero, & his, qui cum notorijs peccatores essent, vel ab Ecclesiâ alieni nullum pœnitentiæ signum emisserint, sacram hâc vñctionem ex sacrorum canonũ dispositione negandam esse non ambigitur.

Volumus insuper, vt Episcopi omnes, & singulos suæ curæ commissos commoneant, & à Parochis commoneri faciant, illisq; mandent, ne grauiter turbent ægrotantes vel morientes, aut in mortis articulo constitutos vanis, ac sæcularibus commemorationibus, seu ludibus importunis, cū satis superq; ijs obesse possit, quod per se humani generis hostis & insidiator diabolus tunc molitur: callidissimus enim serpens nullo vnquam tempore Christifideles grauius oppugnare solet, quàm cum ex hac vita migrandum est. Quare nec morituris huiusmodi sunt tentamenta paranda, sed aduersus illa pia potius suffragia, & adiumenta ferantur.

### *De Ordine.*

**M**inores, & sacri ordines ijs tantum cōferantur, qui ea ætate, vita, sciētia, & moribus præditi sunt, prout sacri Tridentini Concilij decreta expostulant; quæ decreta omnia Episcopi diligenter obseruent.

Non solū regulares, sed etiā sæculares clerici quamuis ab eorum ordinarijs fuerint approbati, eorumque litteras dimissorias præsentauerint, non nisi ab Episcopo ordinante examinati, & approbati ordinentur.



Episcopus autem curet, quòd liber conficiatur, in quo omnes ordinati describantur, & adnotentur, & liber in Archiuio Episcopali conseruetur.

*De Matrimonio,*

**I**N contrahendis matrimonijs in primis Populus instruat, vt hoc magnum Ecclesiæ Catholicæ sacramentum summa pietate, ac maxima deuotione celebrèt, deinde Episcopi obseruari faciant ea omnia, quæ à sancta Tridentina Synodo pro reformatione matrimonij statuta fuere, & præsertim vt à Parochis materna lingua bis, vel ter singulis annis in Ecclesia inter Missarum solemnias decretum de matrimonijs clandestinis diuulgetur, ac publicetur. Qui autem contra hæc omnia fecerint tam sæculares quàm regulares per tres menses suspendantur: quæ pœnæ contra sæculares etiam arbitrio Episcopi augeri possint.

Habeat Parochus librum, illumq; penes se diligenter asseruet, in quo coniugum & testium nomina & cognomina, diem, mensem, & annum, & locum cōtracti matrimonij describat.

Sponsalia per verba de futuro cōtracta mutuo consensu partium posthac non dissoluantur cū altera contrahendo, nisi prius decreto iudicis prima sponsalia soluta fuerint.

Qui contrafecerit pœnas ab Episcopis imponendas incurrat.

Episcopi quos in gradibus à iure prohibitis matrimonia contraxisse reppererint, eos statim à cohabitatione se-

ne separent, & de personarum ita coniunctarum qualitatibus, si ante vel post confirmationem Concilij Tridentini, quæve contracta matrimonia fuerint processus conficiant, illosq; ad sanctissimum Dominum nostrum transmittant, vt à summo Pontifice statuendum sit quid agendum erit, si cum his dispensandum esse iudicatum fuerit, an potius aliquam pro modo culpæ, pœnam subire debeant: & si separari recusauerint, pro excommunicatis publicentur.

Declarent Parochi nuptias, vel nuptiarum solemnias ab Aduentu Domini nostri Iesu Christi, vsq; in diem Epiphaniæ, & à feria quarta Cinerum, vsque ad octauâ Paschatis inclusiue solum esse prohibita; in alijs vero temporibus posse solemniter celebrari.

### *De Monialibus.*

**Q**uod ad Monialium reformationem, tutelam, & curam pertinet, abunde Tridentinæ Synodi statutis, & præsertim fel. rec. Pij Quinti ac sanctissimi Domini nostri Gregorij XIII. cõstitutionibus procuratû videtur. Quare Episcopi ad effugiendam obtestatione diuini Iudicij, & interminationem maledictionis æternæ, qua maxima possunt diligetia clausuram in omnibus Monasterijs inuiolabiliter obseruari procurent, monialesq; in viam Domini omni studio, ac vigilantia dirigant, faciantq; obseruari ea omnia quæ in dictis constitutionibus sancita fuere.

Necnon vt omnes ad Regulæ normam, quam professi sunt, vitam instruant, & componant: atq; in primis

mis ad ea quæ ad suæ professionis perfectionem pertinent, ut obedientiæ, paupertatis & castitatis: ac si quæ sunt alia alicuius regulæ, & ordinis peculiaria vota, & præcepta ad eorum respectiue essentiam, nec non ad communem vitam & vestitum conseruandam pertinentia fideliter obseruent.

Nullus siue sæcularis, siue regularis sacerdos in monialium ecclesijs ordinarijs subiectis Missas aut alia diuina officia celebrare præsumat sine mandato, & licentia Episcopi sub pœna suspensionis à diuinis per annum, & alijs arbitrio pœnis imponendis; in ipsis porro officijs celebrandis etiam in diebus festiuis suarum ecclesiarum nec sacerdotes nec alij cantu figurato, sed plano tantum vtantur.

Sub eadem etiam pœna eisdem similiter præcipitur, & mandatur, ne Assistentes, Physicos, Chirurgos, Pistores, Molendinarios, Procuratores, Fabros, Famulos, & Famulas, vel quamcumque aliam personam cuiuscumque cōditionis, status, ætatis, & sexus extiterit, in suis monasterijs admittant, nisi prius ab Ordinario approbati, & per mandatum sigillo munitum permissi fuerint, & approbati, ac licentia obtenta caueant tam moniales, quàm ipsi ne ingrediantur septa Monasterij, nisi necessitatis, & officij eorum causa: Quia si contrafecerint, & licentia abusi fuerint, incidunt in excommunicationem reseruata[m] summo Pontifici. ipsi quoque assistentes electi ab Episcopo approbentur, & non aliter, nisi approbati eorum exequantur officium.

Con-

Confessores septa monasterij non ingrediantur, nisi à duabus ex antiquioribus associati, & sacramenta ministrandi gratia, vel ex alia rationabili, & evidenti causa superpelliceo, & stola induti: alioquin si sine mandato, & licentia Episcopi vel superioris in scriptis obienta, sub excommunicationis pœna ipso facto incurrenda, & alia arbitrio Episcopi. Dare autem tantum Episcopus, vel superior licentiam debet in casibus necessarijs.

Cum iubeat Sancta Synodus Tridentina ne plures recipiantur in Monasterijs, quàm per redditus annuos, vel consuetarum eleemosynarum quantitatem sustentari commodè possint: Episcopi iuxta formam litterarum Sanctissimi Domini nostri Gregorij XIII. statuunt, quis numerus cuiq; monasterio conueniat, ita ut excedi non possit.

Nulla ad professionem faciendam admittatur, priusquam secum attulerit, unde commodè viuere possit.

Inconsulto, & non permittente Episcopo nulla recipiatur, aliter Præfectæ puniantur prout Episcopo videbitur.

Fenestrella ex qua moniales sanctissimam Eucharistiam suscipiunt, ea tantum de causa aperiatur, & sub pœna excommunicationis latæ sententiæ prohibeatur, ne ad illam fenestrellam cum aliqua persona cuiuscumque conditionis existant, moniales colloquantur, cuius fenestrellæ clavis per deputatum ab Episcopo conseruetur.

Fene-

Fenestrella autem ubi est colloquendum, sit cancellata, & ferrea lamina, quæ moueri non possit munita, quæ tamen sit perforata, & tela, quæ moueri non possit obducta; in ea lamina fiat fenestrella, quæ tantum parentibus monialiū aperiatur, cæteris vero nequaquam, & ijs parentibus cum licentia Episcopi.

Bizochę, quæ suscepto alicuius religionis habitu in proprijs domibus, seu parentum habitando, vitam deducunt; habitum talem deferant, quo facile à monialibus professis, & claustralibus discerni possint, ne dū extra claustra per ciuitates, & oppida conspiciuntur, moniales professas, & claustrales esse maximo cū scandalo ab aliquibus iudicentur: nec de cætero mulier aliqua sub prætextu cuiuslibet voti, seu, quod alicui ecclesiæ, vel Religioni oblata, & addicta sit, habitum monialium inconsulto Episcopo suscipiat.

*De Reformatione Græcorum, eorumq;  
erroribus tollendis.*

CVM à Sancta Apostolica Sede tã Clerici, quàm Lai-  
ci Græco ritu viuentes, ordinariorū visitationi, correctioni iurisdictioni, & omnimode superioritati subij-  
ciantur, eorumq; cura ordinarijs commissa fuerit; necessarium esse duximus, eos negligi non debere. Pro-  
pterea Episcopi in quorum diocæsis Græci ipsi aut  
vulgo Albanenses appellati, versantur & habitant,  
quantum in Domino possumus cōmonemus, vt eod-  
em per seipsos vel alios idoneos deputandos quam  
citius fieri poterit, visitent seu visitari curent, & man-  
dent;

dent; vt, quæ laudabilia in eis reperiuntur, augeantur: quæ vero correctione digna sunt, iuxta cõstitutionem fel. rec. Pij Papæ IIII. super hoc editam, corrigantur; & si quæ nobiscum cõmunicanda sunt, cõmunicentur.

Inter cætera diligenter exquirant, an aliqui sint qui à veritate & à Catholica fide deuiâtes Spiritum sanctũ à Patre tantum procedere pertinaciter credant, eosque doceant processionem Spiritus sancti à Patre, & Filio: & in illos qui hoc errore persistere videantur, seuerè procedant.

Eos Purgatorij veritatem iuxta orthodoxam fidem, & Ecclesiæ Catholicæ doctrinam, ac decreta oecumenicorum generalium Conciliorum, Florentini, & Tridentini frequenter doceant, & à Parochis, alijsq; verbi Dei concionatoribus sufficienter doceri faciant.

Curent etiam vt teneant Sanctam, & Apostolicam Sedem, & Romanũ Pontificem in vniuersum orbem tenere primatum, & ipsum Pontificem Romanum successorem esse beati Petri principis Apostolorum, & verum Christi vicariũ, totiusq; Ecclesiæ caput, & omniũ Christianorum patrem, ac doctorem existere, & ipsi in beato Petro pascendi, regendi, & gubernandi vniuersalem Ecclesiã à domino nostro Iesũ Christo plenam potestatem traditam esse, quemadmodum etiam in gestis oecumenicorum conciliorum, & in sacris canonibus cõtinetur, vtq; sacerdotes in eorum Missis pro summo Romano Pontifice, & pro Episcopo in cuius diocesi cominorantur, orent.

Græcos ipsos de Indulgentiarum vi, & in Catholica

G Eccle-



Ecclesia usu erudiant, & pro ipsorum ecclesijs illas impetrent, vel quas auctoritate propria concedere possunt, largiantur.

Utque ecclesiasticas censuras illi posthac timere assuescant, opportuna remedia, vel pœnæ comminationem adhibeant, & festiuitates ab Ecclesia, & à sanctis Patribus præceptas seu ab ipsis ordinarijs promulgandas ultra illas, quas Græci ritus approbati eis iniungunt, omnino obseruari faciant. Contra non obseruantes seuerè animaduertentes, ne dum Latini in obseruatione sunt, Græci cum scandalo operibus seruilibus incumbant.

Videant etiam, an ij quibus animarum cura commissa fuerit, doctrinam Christianam catholice maxime paruulos sedulo doceant, & infirmorum confessionibus inuigilent.

Prouideant ne sacerdotes Baptismi ministerio alio oleo sancto, alioque Chrismate utantur, quàm quod ab Episcopo eo anno benedictum fuerit, eosque moneant, ut cum sacramenti Confirmationis solus Episcopus ordinarius sit minister, paruulos sacro Chrilmatis oleo non in fronte consignent, sed in vertice capitis Baptismi tempore inungant, ipsum vero Baptisma, quàm primum infantibus conferre non differant.

Omnes tam Clericos quàm Laicos, qui confirmationis sacramentum non susceperint in visitatione ipsa, aut alio congruo tempore confirmandos curabunt pueros, adultos vero ieiunos, & deuote confessos.

Illos etiam doceant paruulos usu rationis carentes  
nulla



nulla obligari necessitate ad sacramentalem Eucharistiæ communionem, & in eos qui de necessitate salutis id fieri falso asserunt, iuxta sæpe memorati Tridentini Concilij decretum seuerè animaduertant.

Sacerdotes sanctissimum Eucharistiæ sacramentum pro infirmis non ita, vt hætenus immunde conficiât, miscentes corpus cum sanguine, & iterum formando buccellâ: sed illud sub panis specie cum decore, ac debita cautela asseruatum, octauo saltem quoq; die renouent, & ad infirmos honorifice deferant.

Laicos non nisi præmissa sacramentali confessione ad sacræ Eucharistiæ communionem admittant, & sub specie panis tantum.

Insuper tam ipsi quàm diaconi, subdiaconi, ceteriq; Clerici qui ad id obnoxios se esse sciunt, iuxta eorum Græcum ritum à sanctis Patribus institutum, officium singulis diebus recitare non prætermittant, sub pœnis per canonicas sanctiones constitutis ijs qui diuinum officium non dixerint, & alijs iuxta declarationem piæ memoriæ Pij Papæ Quinti super hoc editam incurrendis.

Dominicis & festis diebus omnibus sub pœna Episcoporum arbitrio imponenda, confessione præuia Missam celebrare procurent; Clerici vero, & in sacris ordinibus constituti saltem semel in mense communient.

Altaria portatilia Episcoporum benedictione communita, & corporalia, & pallas mundas habeant.

Sed ne Latini, illi præsertim, qui simplices sunt Græ-

cis permixti in eorum ritum inducantur. Curent Episcopi ut tam Latini, quàm Græci non nisi in suis quique ecclesijs proprio ritu utentes celebrare, vel sacramentum Eucharistiæ suis ministrare præsumant.

Constitutionem fel. rec. Pij Papæ Quinti, qua facultates cõcessæ Græcis Latino, & Latinis Græco ritu Missas, & alia diuina officia celebrandi reuocantur, ab eisdem Græcis seruari mandent, & tã Græcos, quàm Latinos in suis proprijs ecclesijs iuxta vniuscuiusque morem suo muneri satisfacere condignis pœnis propositis præcipiant.

Mandent etiam ut nullus posthac ab alio, quam à suo Episcopo, vel eo impedito de licentia ipsius à catholico Antistite à sancta Romana Ecclesia gratiam & cõmunionem habente, ecclesiasticos ordines suscipiat.

Matrimonia sancte, ut decet, sine aliqua superstitione, & abusu, & non inter coniunctas personas, sed tribus in Ecclesia præcedentibus monitionibus celebrari procurent: utque ad præmissorum integram observationem facilius compellatur, & ignorantie excusationem nullatenus habeant: decreta sacri Tridentini Concilij de hac re Græco idiõmate fideliter versa illis tradant, quæ si postmodum obseruare neglexerint, iuxta sacros Canones, & eiusdem Cõcilij præscriptum aduersus contra facientes seuerè procedant.

Prouideant ne Græci secundas, & tertias, ac vltiores etiã nuptias reprehendant aliquatenus, nec condonent: sed illas inter personas, quæ alias licite adinuicem matrimonio iungi possunt, approbare compellant, dicente

cente Apostolo: Mulier mortuo viro ab ipsius est lege soluta, & nubendi cui vult liberam habet potestatem.

Optat etiam ipsa Synodus, Græcos presbyteros cōmonendos atque cogendos fore, vt statim post feriam quintam in cœna Domini ad Episcopū in cuius dicecesi morantur, accedant ad deuote suscipiendū sanctū chrisma, oleum catechumenorum, & infirmorum.

Vascula habeāt saltem stannea, in quibus dicta olea decenter asseruent.

Infirmos oleo infirmorum, quod catholica Ecclesia ex Christi domini nostri instituto apostolica traditione didicit, & extremam vnctionē proprie appellat, dum in exitu vitæ constituti videntur inungant, ac etiam non petētibz, præsertim cum periculose ægrotant, pie & religiose conferant.

Aquam etiam benedicant singulis Dominicis diebus, eamque præ foribus ecclesiarum teneant.

Ecclesias etiam habeant mundas cum pauimentis, & vestes aliaque paramenta decencia cum cœmeterijs pro sepeliendis mortuis, sanctissimum Eucharistiæ Sacramentum, Sanctumque chrisma, oleaque sancta, fontemque baptismalem ita reuerenter, & decenter conferuent, prout in Latinorum ecclesijs statutū est.

Postremo curent Episcopi vt à Græcis, qui in locis suis incolatum habent, quæ ab ipsis tam in baptismi, & confirmationis, quàm in extremæ vnctionis alijsq; Ecclesiæ sacramentis administrandis præcipiuntur inuiolabiliter obseruentur, & in transgressores ipsorum arbitrio animaduertant.

# SESSIO TERTIA

CELEBRATA DIE XIII. MEN-  
SIS MAII. M D LXXIX.

*De Sacrosanctis Ecclesijs, & earum  
cultu & veneratione.*



VM Dei domum deceat sanctitudo; pro-  
pterea ad Ecclesiam sit humilis & deuotus  
ingressus, quieta cōuersatio, & omnes de-  
uotis orationibus insistant, genibusq; fle-  
xis sanctissimum sacramentum adorent; ad nomen Ie-  
su Christi Domini nostri cum exhibitione reuerentiæ  
caput inclinent, & nemini liceat dum sanctissima, &  
tremēda Missæ mysteria peraguntur, verbum Dei an-  
nunciatur, & horæ canonicæ recitātur, in Ecclesijs spa-  
tiari, & deambulare, risus, cachinnationes, & colloquia  
mala, alios subinde strepitus indecenter facere, neq; eo  
tempore Capitula cathedralium, aut collegiatarum  
Ecclesiarum congregari.

Caucant etiam omnes, ne ita stent in Ecclesijs, vt ex  
aduerso sanctissimi Corporis Christi sedeant, vt reue-  
rentiæ quæ sacrosanctæ Eucharistiæ sacramento debe-  
tur aliqua iniuria fiat.

Nemo ad tractanda profana negocia in illis conue-  
niat, non iudicia exercentur, non cum mulieribus su-  
spectis colloquia habeantur: non conuocationes, par-  
lamenta, comestationes, aut potationes fiant. Nihil in-  
porti-

porticis, vel vestibulis aut scalis venale exponatur.

Balistæ, sclopetæ, aut hastata arma in Ecclesijs non deferantur, nec etiam canes venatici vel aues.

Et ne clerici dum diuinis incumbunt ab aliquo impediuntur, curent episcopi vt loca clericorū vsui destinata à laicis non occupentur, sed seorsum à clericis omnino diuinis intersint: nec chorum ad psallendum institutum occupent.

Expletisque sacris à mane & à prandio, & Completorio a Ianitore Ecclesia claudatur.

Qui superbe, & contumaciter supradictis parere noluerint, cuiuscumq; qualitatibus, & dignitatibus etiam regulares, præter pœnas in Bulla sanctissimi Pij V. sancitas, pro modo culpæ ab episcopis grauissime puniantur.

Optamus vt Ecclesia nulla sit, quæ sanctissimi Crucifixi imaginem nō habeat loco conspicuo inter altare maius, & populum, sed eo ornatiorem quo Ecclesia ipsa erit insignior. In ecclesijs vero minoribus (vbi id commodè fieri non poterit) relinquatur ordinarij arbitrio.

Ecclesiæ parochiales, quæ aliqua reparatione indigent, reparentur ab his qui de iure, & consuetudine diœcesis tenentur.

Ecclesias vero non consecratas, seu non curatas ferme collapsas, Episcopi instaurandas curēt, iuxta sacrorum canonum dispositionem, & sacri Cōcilij Tridentini formam, ibidem oratoria erigendo; vel si non videbitur expedire, in alias transferant Ecclesias; vel ibi sub titulis Sanctorum, seu Sanctarum quibus antea Ecclesiæ

clesiæ dicatæ erant, altaria construantur, & pro reddituum qualitate diuinus cultus instituat: ita tamen vt in area dirutæ ecclesiæ signū Crucis erectum semper appareat.

Sint ecclesiæ prædictæ dealbatæ, parietibusq; nihil immundum, aut profanum adhæreat, ne sacra profanis misceantur. Tectum non sit pluuiosum, pauimentum sit integrum, & non deformetur pro sepeliendis mortuis: Fenestræ habeant specularia sua saltem linea, & prospicientes in ecclesiam tollantur sub pœna arbitrio Episcopi proponenda.

Altaria sint lapidea, aut lateritia ita extructa, aut cōcinnata, vt fenestrella, foramenue nulla ex parte relinquatur, vbi quicquam asseruari posset, aut recondi, & sint altitudinis à scabello ligneo, vel bradella palmotū trium, & duorum: longitudinis vero ad minus palmorum sex, latitudinis autem palmorum trium.

Et habeat vnumquodq; altare Iconam, vel saltem picturam in pariete, Crucem, candelabra duo, chartulam cum secretis, petram sacratam, quæ sit ita lata, vt calicem cum Ostia capiat, Tobaleas tres, quarum vna ad planum vsq; pertingat, aliæ duæ quæ diuisæ sint totam mensam contegant, totidē tobaleæ de tela esse debent, à puluere defendendas, telare ligneum vbi palliū possit commodè affigi. Scabellum ligneum vulgo bradellam, tegmen ex asseribus, aut tela cærulea honeste picta confectum, totum altare tegat. Fenestrellam in pariete à parte Epistolæ apte constructam, ad aquam excipiendam ablutionis manuum Sacerdotis celebrantis, & ad

& ad peluim cum vrceolis collocandum : habeant calices, & alia iftrumenta, paramenta, & ornamenta congrua ad Miffam celebrandam.

Neque vllum altare in posterú ædificetur, cui quicquam defit ex fuprafcriptis requifitis, ac fine licentia Epifcopi in fcriptis habita: & conftituta altaria, fi dotata fint per eorum rectores tam in temporalibus quàm in fpiritualibus, Epifcopi curent, ne aliquid vfurpetur; Indotata vero vel his, à quibus erecta fuerint, inftaurari, ac exornari iuxta præfcriptam formam, vel amoueri curent.

Vnumquodq; altare amoueat, quod ædificatum fit ad columnam, vel pilam, vel ecclefiam vllò modo impediatur, vel plane non refpódeat, aut refpondere poffit formis, & regulis fuprafcriptis: fi tamen Epifcopo in actu vifitationis videbitur id commode, & fine scandalo fieri poffe.

Sacriftia habeat veftiarium ad paraméta, & reliquia conferuanda, oratorium loco pofitum, quantum fieri poterit, feparatum, ac difiunctum : in quo Sacerdos in folitudine fe colligere, & orare poffit, & ad ipfum oratorium in pariete orationes ad id proprie affixæ fint, labellum cum manutergio ad manus abluédas, & abftergédas ante, & poft Miffæ celebrationem, chartulá cum orationibus facro vnicuiq; indumento accommodatis, quas attente recitet Sacerdos cum facras ipfas veftes induit, & exuit.

Confefionalia tot habeat vnaquæq; Ecclefia etiam Regularium, quot habet Confeffores, & ponantur in

H      locis



locis conspicuis atque apertis, ut sint in omnium oculis collocata, & cōfessarius & confitens possit ab unoquoque facile conspici, sitque cū tabula interposita, quæ habeat fenestrellam cancellatam, ut pœnitens audiri, sed videri non possit: In quibus confessionalibus affixi sint casus reseruari tam summo Pontifici, quàm Episcopo, unà cum forma absolutionis.

Vas pro aqua benedicta in Ecclesia sit, non extra, & in ingressu ad vnamquamque portam à dextris, non à sinistris introeuntium, marmore constet, vel petra solida, nō lateritia, columnella vel alia base suffultum sit: Asperforium habeat appensum, non ex spongia, sed ex fetis confectum.

Sepulchra marmore vel petra solida contecta sint duplici, vel saltem vnica, ita apte utique, atque compressæ, ut inde malus odor exire nullo modo possit: alioquin humo impleantur, ad equato solo, & nullus in eo amplius sepeliatur, sepulchrorū ipsorum in posterum ædificandorum ostium longe absit ab altaris scabello ligneo vel bradella ad minus palmis quatuor. Verum Episcopi curent omni ratione, ut antiquus & probatissimus sepeliendi in cœmeterijs mos restituatur, neque sepulchra noua in Ecclesijs ædificentur absque licentia in scriptis obtenta.

Cœmeteria vero ita claudantur, ut in ea brutis impediat accessus, ac ab herbis tertio quoque mense expurgentur, & in eis arbores, aut vites non plantentur, & si adsint, extirpentur.

Episcopi prædicta omnia pœnis eorum arbitrio imponen-

ponendis obseruari faciant.

Campanæ deferuire habeant ad conuocandum populum in Ecclesia, & Clerum ad annunciandum misericordiam Domini, & veritatem eius per noctem, & annunciandum prædicationem, ad demonstrandumque aliquem esse mortuum, ad hoc vt populus audiat, & pro eo oret, & benedicatur; vt per illarum tactum, & sonitum fideles inuicem inuitentur ad præmium, & crescat in eis deuotio fidei; fruges, mentes, & corpora seruentur, & omnes insidiæ inimici procul pellantur; procella turbinum, impetus tempestatum, & fulgurum temperentur, infestaque tonitrua, & ventorum flamina suspendantur; spiritus procellarum & aeris tempestates prosternantur, & vt hæc audientes confugiant ad sanctæ Crucis vexillum, cui omnes genuflectant. Quare principes, & magistratus etiam atq; etiam hortari oportet, vt campanis, quæ Ecclesiarum vltui sunt addictæ, ad profanos vsus, & peccatarum significationem, maxime si consecratæ sint, vti non patiantur.

Tridentini Concilij hortationes, quibus vniuersis Christianis, omnibus populorum Dominis ecclesiarum defensionem, & immunitates enixe cõmendat, quam alte in Catholici Regis Philippi mente sint, quotidiana Catholicæ fidei propugnatio, ac erga ecclesiasticos viros, ac loca pia, atq; religiosa veneratio, ac beneficentia locupletissime testantur. Quare nullo pacto dubitandum videtur, quin sibi ipsi constantissimus, vt semper fuit, curaturus sit, vt debitus Dei cultus, ac mi-

nistris ministeriorumque eius dispensatoribus legitimus honor exhibeatur; nec permissurus, ut eius officiales ecclesiasticam iurisdictionem, & libertatem diuinis, & humanis legibus sancitam vlla ex parte violēt impune, utpote qui obsequentissimus Ecclesiæ filius, summorumque Pontificum, ac omnium pōtificiarum constitutionum, ac decretorum Conciliorum obseruantissimus semper fuit.

*De Immunitate Ecclesiæ.*

**V**etustissimam Ecclesiæ immunitatem iure diuino, & humano pontificijs, & imperialibus constitutionibus introductā Episcopi magnopere illēsam seruari curent, ne super eorum regimine, & tuitione princeps prouinciarum sub tributo fiat, & prælatorum auctoritas, & iurisdicctio minime euacuetur: sed potestātē illam etiam & libertatem, quam Deus, summi Pontifices, Imperatores, & Reges, Ecclesiæ tribuerunt, & seruauerunt, liberam & integram in eadem remansisse, remanere, ac semper mansuram esse noscatur. Quod quidem eueniet, si Ecclesiarum, & Clericorum bona, ipsosq; Clericos eorundemq; Episcoporum familiares, tamquam Dei, & eius dilectissimę sponse ministros, à vectigalibus, & tributis, ceterisq; quibuscumq; muneribus, & oneribus laicis, & ad temporalium iudicium iurisdictionem, ad quæ sacri Canones, & summorum Pontificum Bullæ non teneri nec astringi debere præcipiunt, per censuras ecclesiasticas, eorumq; publicationes exemptos omnino manuenerint.

Insuper

Insuper sacros canones, qui ad Ecclesiam confu-  
gentibus securitatem concedunt, seruent, & ab omni  
bus obseruari iubeant: nec Synodus verendum esse  
censuit, quin temporales principes, & magistratus, si-  
cuti & fidei protectores, ita & Ecclesiarum immunita-  
tum obseruantissimi semper erunt, nec deterioris con-  
ditionis factum sub eis sacerdotium, aliquando esse  
debere, quàm sub Pharaone, qui etsi legis diuinæ noti-  
tiam non habebat, attamen totam terram Ægypti præ-  
ter sacerdotum possessiones tributariam sibi fecit.

*De Episcopi qualitate & dignitate.*

**E**Piscopi ex sacri Concilij decreto admonentur, vt  
se pastores non percussores esse meminerint; & ita  
præesse subditis oportere, vt non in eis dominantur,  
sed illos tanquam filios, & fratres ament, elaborentq;  
vt hortando, & monendo ab illicitis deterreant, ne vbi  
deliquerint, debitis eos pœnis coercere cogantur. Quos  
tamen, si quid pro humana fragilitate peccari contige-  
rit, illa Apostoli eis est seruanda præceptio, vt illos ob-  
secrent, increpent, in omni bonitate & patientia, cum  
plus erga corrigendos agat beneuolentia, quàm auste-  
ritas; plus exhortatio, quàm comminatio; plus charitas,  
quàm potestas. Sin autem ob delicti grauitatem iur-  
gio opus fuerit, tunc cum mansuetudine rigor, cū mi-  
sericordia iudicium, cum lenitate seueritas adhiben-  
da est, vt sine asperitate disciplina populis salutaris, ac  
necessaria conseruetur; & qui correcti fuerint, emen-  
dentur; aut si ~~re~~spiscere noluerint, ceteri salubri in

cos animaduersionis exemplo à vitijs deterreantur; cum sit diligentis, & pij simul Pastoris officium morbis omnium leuia primum adhibere fomenta, post vbi morbi grauitas ita postulet, ad acriora & grauiora remedia descendere; sin autem ne ea quidem proficiant, illis submouendis, ceteras saltem oues à contagionis periculo liberare.

Subditi vero ita Episcopos tractent, vt nullum obsequij genus erga illos prætermittant, quod ad eorum dignitatem tuendam pertineat; reuerentiam omnem, atque obedientiam illis exhibentes, ac deferentes; eorum præceptis & monitionibus obtemperent, & acquiescant, veluti parentes eosdem vereâtur & ament, illis non detrahant, sed subditos sese ad propriam eorum salutem semper agnoscant.

Principes ac Magistratus Synodus hortatur, vt eos debita reuerentia prosequantur.

Meminerintque Episcopi, quòd valde populos ædificat, & ad religionem excitat, si sæpe publice, quam sæpiissime priuatim, festis præsertim diebus, Missæ sacrificium celebrent, ac diuinis intersint.

Studeantque in eorum Ecclesijs, vt omnia rite, atque ea qua decet maiestate, ac pietate peragantur.

Domesticorumque præcipuam, atque singularem curam habeant, & ita familiares suos instruunt, & informant, vt ab impudicijs, maledicentijs, ac vitijs demum omnibus abstineant, sicut decet ministros ministrorum Dei.

Habeantque curam miserabilium personarum, sicuti

cuti ad eos spectat, vt proprie pauperū patres dici possint: & in animo & cogitatione sit illis perpetuo infixum, quòd de mala bonorum Ecclesiæ administratione grauissimum sit in die Domini iudiciū faciendum.

*De Funere Episcopi.*

**C**apitulum admonemus, eidemq; hoc munus iniungimus, vt cum primum Ecclesia vacauerit, viciniorem Episcopum, qui pium sanctorum patrum institutū iam diu intermissum reuocando statim, ( si impeditus non fuerit ) ad concelebrandas exequias Episcopi mortui vocatus accedat, & ea officia solemniter more præstet, quæ tali tempore requiruntur.

Viciniore Episcopi de Præsulis obitu ab eodē Capitulo certiores fiant, qui Missarum sacrificijs, orationum studio, alijs pijs operibus & suffragijs defuncti animam iuuare curabunt.

Anniuersarium seu Cômémorationem mortui Episcopi singulis annis in Cathedrali Ecclesia, quandiu proximus eius successor in episcopatu vixerit, faciendam esse præcipimus. idem in omnibus similiter Ecclesijs Rectorum, & beneficiatorum viuents sumptibus obseruari mandamus.

Eiusdem Capituli onus erit, vt iuxta Tridentini Concilij decretum supplicationes, & preces publice priuatimq; habeantur, & per ciuitatem, & diocesim quoq; indicentur, vt clerus populusq; bonum à Deo pastorem impetrare valeat.

*Forma præscribenda examinis inquisitionis de  
Episcopo promouendo ad Cathedralem Ecclesiam.*

**Q**uoniam qui ad Cathedrales Ecclesias erit assumendus, alijsq; præest, ea natalium, ætatis, vitæ morum & scientiæ excellētia, atq; aliarum omnium qualitatum, quas sacri Canones & ipsa Tridēntina Synodus postulat fulgere, ac præditus esse debet, vt non solum præesse, sed prodesse sciat. Merito sancta Tridentina Synodus præcipit exactissimam de qualitatibus præficiendorum Cathedralibus Ecclesijs inquisitionem esse faciendam, & eius examinationis, & inquisitionis formam in Concilio Prouinciali esse præscribendam: Idcirco vt sacri Concilij Tridentini monitis obtemperet hæc Synodus infra scriptam examinis formulam pro assumendis ad Cathedrales à S. D.N. comprobendam præscribit, Videlicet:

An legitimis natalibus & ex Catholicis parentibus ortus, vbi, à quibus, & quomodo fuerit educatus: An triginta annorum sit: Quæ conuersatio, vita, & fama eius à pluribus annis fuerit: An infamia vnquam notatus, vel de aliquo crimine inquisitus, vel suspectus: An bigamus, vel apostata: An publicam pœnitentiam egerit. An sanæ mentis, timoratusq; conscientiæ, domique suæ bene præpositus. Item quam modestiam, prudentiam, sobrietatem, continentiam, & alias virtutes in suis actionibus ostenderit: A quo tempore sacris sit ordinibus initiatus, & an in eis per sex menses saltem antea



antea sit constitutus: An sit denique eiusmodi moribus & virtutibus ornatus, vt in Ecclesia Dei non immerito præsul esse possit.

Scientia præter hæc eiusmodi polleat, vt muneri sibi iniungendi necessitati possit satisfacere. Ideo inquiratur, an sit in vniuersitate studiorum magister siue doctor, aut licentiatus in sacra Theologia, vel Iure canonico merito promotus, aut publico alicuius Academiae testimonio idoneus ad alios docēdos ostendatur.

Quibus peractis ac probatis omnibus suprascriptis per quinq; saltem testes omni exceptione maiores ad fidei professionē admittatur, atq; omnia à Notario in instrumentū publicum relata, & ab Episcopo obsignata ad summum Pontificem fideliter transmittantur.

### *De Dignitatibus, & Canonicis.*

**C**Um dignitates in Ecclesijs præsertim Cathedralibus ad conseruandam, augēdamq; ecclesiasticam disciplinam fuerint institutæ, vt qui eas obtinerent, pietate præcellerent, alijsq; exemplo essent, atque Episcopos opera, & officio iuuarent; merito qui ad eas vocantur, tales esse debent, qui suo muneri respondere possint: quare Episcopi summopere studeant, vt ad dignitates, & canonicatus ij assumantur, qui Episcopos opera & officio iuuare valeant, & ea morum integritate, doctrina, & vitæ exemplo sint præditi, vt merito eorum cœtus, Ecclesiarum senatus dici possit.

Expedi etiam maxime, vt Cathedralis Ecclesiæ dignitates, & canonici omnes Dominicis diebus, & alijs

I quàm

quamſepiſſime Miſſas publice in dicta Eccleſia celebrant: ideo Epiſcopi curent, vt conſtituatur ex dignitatibus, & Canonicis Hebdomadarius, qui diebus Dominicis, & feſtis duplicibus Miſſam, & Veſpera canat, cui octauo die alius ſuccedat eiſdem ordinis; nec liceat eis ab hoc inſtituto recedere ( quacumq; conſuetudine etiam immemorabili non obſtante) ſub ſuſpenſionis atq; alijs arbitrio Epiſcopi pœnis inſtigendis, ſaluis tamen conſuetudinibus, in quibus ijdem publice, & frequentius celebrare tenentur, ac prerogatione cœceſſa dignitatibus de celebrando Miſſas Epiſcopales Epiſcopo impedito. Reliqui vero Canonici, & dignitates decore cantu Antiphonas exordiâtur, quas Manſionarius, vel alius dictauerit.

Omnes ſtatis horis ſemper, & attente adſint officijs, non tunc vagentur per Eccleſiam, neue à choro diſcedant niſi precibus abſolutis, aut aliqua compulſi neceſſitate: ex licetia tamen generalis Vicarij, ſi præſens fuerit, vel eius, qui choro præeſt.

In choro proprijs quiſque ſellis conſideat, concordi voce pſallant, ſimul omnes debitis opportunitatibus aſſurgant, ſedeant, genuflectant, capita detegant, & nihil alienum diuinis miſceant, priuatum officium non recitent, litteras non legant, non obſtrepant, non colloquantur, & exiſtant alijs qualitatibus requiſitis tam à lure quàm à Concilio Tridentino ornat, ad hoc vt alij eorum exemplo ad ſtudium, & amorem diuini cultus accendantur: ſi aliqui vero in his offenderint, quas percepturi eſſent diſtributionibus careât, aliterq;

pro

pro culpæ gravitate corripiantur.

Omnesque dignitates, & Canonici in choro, processionibus, funeralibus, omnibusque alijs ecclesiasticis functionibus in habitu se conforment; contrasacientes vero illius diei distributionibus careant, ac etiam Episcopi arbitrio puniantur.

*De Præfeto Chori seu Cantore.*

**C**antor, qui choro præsidet, vigilet diligenter, ne quid prætermittatur in diuini officij institutione, vel progressionem, vel in reliquis, quæ ad probatam rationem chori pertinent, & alijs quæ in diuinis officijs obeundis sunt necessaria; neque absurde, indecore vel præpostere quicquam fiat: si qui suo officio non satisfaciant, eos grauitè, & amanter obiurget. Si non resipuerint, iubeat punctatorem in libro illos describere, & ad Episcopos deferre ad hoc vt dignas pendant pœnas.

*De Magistro Chori.*

**S**uccentor, seu Magister chori, qui diuinis officijs celebrandis tanquam Magister est, denunciet officium simplex, vel solemne celebrandum, quando de Dominica, de festo, vel de feria, quæ Antiphonæ, Orationes, Psalmi, Lectiones recitandæ aut canendæ, tabellam in sacristia affigendam vnà cum Cantore conficiat: in qua præscribatur, quid à singulis dignitatibus Canonicis, vel alijs Beneficiatis in

I 2 singu-

singulis horis per hebdomadam, aut etiam per plures dies recitandum, cantandumue sit, qui quo tempore, & ordine Missam celebrare, vel horas dicere, vel alia munera obire debeant. Qui autem, quod ei in tabella præscriptum fuerit in quam horam peccauerit eius distributiones amittat, si succentor deliquerit à Cantore obiurgetur, & ab Episcopo p delicti modo puniatur.

*De Sacrista.*

**S**acrista habeat in Sacristia tres Tabellas, vnam in qua omnes Missæ, & officia pro mortuis, & reliqua descripta sint, quæ ex imposito onere, ac munere quacumq; de causa in Ecclesia celebrare oporteat, alteram in qua vniuscuiusq; dignitatis canonicatus, præbendæ, capellæ, altaris, seu alterius beneficii, & officij eius Ecclesiæ in Missis & alijs diuinis officijs obeundis debita munera contineantur; tertiam quam supradiximus à succentore conficiendam esse, & non permittat Ecclesiam defraudari debito Missarum munere, sed pro viribus curet, quòd omnes suas Missas suis statutis diebus, & horis ad altaria sua celebrent: & quæ in dictis tribus tabellis præscripta sunt munera, curet à quibus debent omnino præstentur, negligentes Episcopo, aut Vicario denunciando.

Non permittat, quòd Sacerdotes celebraturi plures duobus apparatus mancant pro vice in Sacristia: sed cū opus fuerit, per se vel alium vocet celebraturum Sacerdotem, & nemini permittat, vt sacris vestibus induatur, nisi tunc cum ei Missa celebranda sit.

Item

Item caueat quòd sæpius in anno omnia linea paramenta munda fiant, calices, patenas, & corporalia cum pallis, & suis manutergijs munda, & candida teneat.

Quando celebrandum erit in aliquo altari per Clericos deputatos, ampullas præparatas, quæ ex vitro sint cum vino & aqua limpida, luminariaque portare faciat, ceteraque è Sacristia ad diuina officia necessaria præparet.

Altare maius, & alia præcipue diebus festis decen-ter ornet. Hora congrua ipse vel alius per campanæ sonum det signū Matutini, Missæ, & aliarum horarum canonicarum, salutationis Angelicæ & orationis.

Det etiam operam vt è Sacristia sermones de inani-bus, profanisq; rebus, multoq; magis iurgia, rixæ, & tur-bæ omnes arceantur. Laicos ibi versari non patiatur.

### *De Mansionarijs.*

**M**ansionarij, qui sunt quasi quædam columnæ to-tum fere horarum ac diuinorum officiorum pon-dus sustinentes, munus suū accurate obeant, ac quoti-die ad omnes horas intersint; & quando oportuerit, ad Lectorile accedât, vt Antiphonas, Respōloria, Gra-dualia, & alia huius generis recitent, & decantent; so-lemnibus festis diebus, & quoties opus fuerit, pluuiali induant, nisi alij nominatim huic officio præfecti fue-rint. Si muneri suo defuerint, illius horæ in qua nō sa-tisfecerint, distributionibus priuentur, & alij illorum officij partem suscipiant.

Idem vt suo muneri satisfacere possint, ab his one-ribus

ribus liberentur, quibus ad chori vtilitatem magistri cæremoniarum, & eius qui choro præest arbitrio, leuandi videbuntur.

Neque, quo tempore diuina officia in choro fiunt, paruam Missam celebrent, nisi necessitas postulauerit.

Ex Mansionarijs prædictis in singulas hebdomadas deligantur duo Sacerdotes: alter vero horum officium ordiatur, & perficiat consistens in medio chori, vel ad lectorile, quod ab ea parte sit vbi is fuerit: Missam etiã festis diebus semiduplicibus ac ferialibus canat, nisi alij sint ei muneri præpositi; alter psalmorum tonum instituat pro tempore, & Antiphonarum, quæ vbi legende fuerint, ab ipso tantum, vel solum ab alio legantur. Diebus vero festis in decantandis Antiphonis dignitatibus, & Canonis, ac alijs voce præeat, & quæ cantanda, vel legenda sint ipsis indicet. Is antequam officium inchoetur, chorum ingressus libros præparet, Missam, Psalmos, Antiphonas, & alia quæ vltus requisierit, inueniat.

Mansionarij vero in suo munere contumaces, vel negligentes pro modo culpæ distributionibus careant.

### *De Punctatore.*

**P**unctator singulo quoque anno, vel iuxta consuetudinem Ecclesiæ constituatur, cui iuramentum deferatur de bene, ac legitime officium suum exercendo sub dupli, quanti id fuerit, & periurij pœna.

Singulis autem mensibus punctationum librū Episcopo & Capitulo præsentare teneatur: qui si non recte se

ete se habere fuerit cognitum, cum negligentia suae poenas, dupli scilicet, & periurij dare compellatur.

Et ut hoc officium melius exerceatur, & nemini iniuste remitti, aut adimi possit, hæc Synodus statuit, ut præter electum à Capitulo alter punctator sit, qui ab Episcopo creetur, isq; apud eū supra scripto iuramento præstito notet omnes altero in libro, qui suo muneri defuerint, & singulis hebdomadis ambo inter se libros conferant; etsi discrepauerint aliqua in re, coram Episcopo, vel Vicario compareant, ad hoc ut tollatur omnis illorū cōtrouersia sine strepitu, & figura iudicij.

Cetera vero hic non numerata, quæ ad debitum in diuinis officijs regimen spectāt, deque congrua in his canendi seu modulandi ratione, de certa lege conueniendi in choro, ac permanendi, simulq; de alijs Ecclesiæ ministris, de quibus in præsentibus nulla fit inētio, Episcopi duobus è Capitulo in consilium vocatis, ex sacri Concilij Tridentini decreto pro Ecclesiæ cuiusque qualitate suppleant.

### *De Seminario.*

**S**tatuit Synodus, ut ordinarij, vbi in eorum diocesi bus seminaria erecta non fuerint, quamprimum, vel saltem infra sex menses seminarium iuxta formam, & regulam à sacrosancta Tridentina Synodo traditā erigant, erecta vero manuteneant.

Quando contigerit vnionem alicuius beneficij Seminario per Episcopū fieri, per actū publicum manu Notarij ad id rogati, & non per bullā Episcopi tantum fiat.



## SESSIO QVARTA

CELEBRATA DIE XVI. MAII

M D L X X I X.

*De Vita, & honestate Episcoporum,  
& Clericorum.*



VM totius familiæ Domini status & ordo  
nutet, si quod requiritur in corpore nō in-  
ueniatur in capite, idcirco hæc Synodus  
hortatur Episcopos, vt quanto ceteris di-  
gnitate præcellūt, tanto alijs inferioribus singulari vi-  
ta, & sanctitate, ac morum probitate præfulgere stu-  
deant, præbeantq; se ipsos exempla bonorū operum,  
seq; totos ad illam vitæ rationem Domino adiuuante  
dirigant, quam illis Apostolus præscripsit.

Eorum sermo, vestitus, gestus, supellex, nil nisi gra-  
ue moderatum, ac religione plenum præ se ferant, ita  
vt irreprehensibiles, sobrij, domui suæ bene præpositi  
ab omnibus cognosci facile possint: quod efficient, si  
ita mores suos omnes componant, vt reliqui ab eis fru-  
galitatis, modestiæ, continentiæ, ac sanctæ humilitatis  
exempla petere possint: ideo non solum modesta su-  
pellectili ac mensa, & frugali victu contenti sint, verū  
etiam in reliquo vitæ genere, ac tota eorum domo ca-  
ueant ne quid appareat, quod à sancto hoc instituto sit  
alienum, quodq; non simplicitatem, Dei zelum, ac va-  
nitatum contemptum præferant, ac eorum actiones  
sint

sint cōformes decretis œcumenici Tridētini Concilij.

Cum Clerici pars Domini appellentur, ideo eos decet vitam, moresq; suos omnes componere, vt habitu, gestu, incessu, alijsq; omnibus rebus nil nisi graue, moderatum, ac religione plenum præferant, leuia etiam delicta, quę in ipsis maxima essent, effugiant, vt eorum actiones cunctis afferant venerationem.

Quę igitur nouissime post multas summorum Pōtificum, ac sacrorum Conciliorum sanctiones Tridentina Synodus præcepta innouauit de vita, honestate, cultu, & doctrina ab eis comprobanda, & retinenda: Quęq; de luxu, comessationibus, choreis, aleę lufibus, & alijs huius generis, ac præsertim profanis negotijs cuitandis, vt maxime necessaria, & eorum ordini consentanea omnino seruent; alioquin statutis ab ea pœnis, alijsq; seuerioribus, si ita Episcopis videbitur, coerceantur, quarū executionē nulla appellatio suspendat.

Atque vt aliqua sigillatim exprimantur, cuncti Presbyteri diebus Dominicis, & festis solemnibus vt suo muneri satisfaciant, Missas celebrent.

Barbamque omnes è superiori labro ita tonsam gestent, vt pili in sacrificio Missæ Christi Domini Corpus & sanguinem sument nullatenus sint impedimento. Habitum clericalem, & coronam suo ordini congruentem Clerici etiam omnes ad quemcumque ordinem promoti, aut quodcumque beneficium Ecclesiasticum cum cura & sine obtinentes deferant; capitium quadratum, vestes tam superiores, quàm inferiores gestēt tales simplices, & nulla vanitate notan-

das, in Ecclesijs pileis non tegantur; extra vero valetudinis, aut alia iusta causa vti possint, sed simplicibus, neq; aculeatis, aut turbinatis; à cæteris demum huiusmodi leuitatibus se abstineant, quæ ab Ecclesiastica sunt disciplina alienæ. Ad quæ omnia Episcopi illos suspensione à ministerijs, & fructuum amissione, ac beneficiorum priuatione, prout expedire iudicauerint, omnino possint compellere.

Quicumque Clerici concubinas aut alias mulieres de quibus possit haberi suspicio in domo vel extra non detineant, aut cum illis ullam consuetudinem habere audeant: alioquin pœnis à sacris canonibus, vel statutis Ecclesiarum impositis puniantur: quod si à superioribus moniti non abstinuerint, aduersus eos iuxta sacri concilij Tridentini decretum acriter procedatur.

Nemo Clericorum implicet se negotijs sæcularibus, lites coram iudice sæculari non agitet, nec sit alienorum negotiorum gestor aut curator: Tabellionatum nisi necessitatis causa, aut mercaturam, præsertim bladorum, vini, & aliorum, quæ ad vitæ annonam spectant, non exerceat: non artem medendi faciat; non aliena prædia lucri causa conducatur; non pro alijs fide iubeat; non agriculturam, nisi pro eorum victu; non venationem, aut aliam turpem artem exerceat; contractus usurarios vitet; publicis & profanis spectaculis, comædijs, choreis non intersit; per Ciuitatem, personatus ac debaccatus non incedat; taxillis, tessellis, pagellarum lusu, aut alio quocumque ludi genere sacris canonibus improbato penitus abstineat; arma offensibilia siue  
secre-

secreto siue palam non deferat, & præsertim pugiones, & sclopeta parua, quæ si qui deferre deprehensi fuerint, carceris pœnam per annum subeant; nocturno tempore sine legitima causâ, & lumine non vagetur, fœdæque & scurrilia verba non proferat, & operam non det ebrietati, cauponarias seu tabernas non frequentet, nec ad eas accedat nisi necessitatis, & itineris causâ.

Omnia demum generatim, quæ ad vitam, & honestatem Clericorum pertinentia à sacris canonibus & œcumenicis Concilijs, & Apostolicis sanctionibus præcepta, ac prohibita sunt, Clerici omnes diligenter obseruare, aut cauere iubentur; subituri nisi pareant omnes animaduersiones, quæ illis à sacris Canonibus impositæ sunt, & sacre Tridentinæ synodi auctoritate innouatæ, aliasque præterea quas pro delictorum qualitate Episcopi hæctenus, vt supradictum est statuerunt, aut in posterum statuent, operas suas prout ab aliquibus in hac prouincia fieri audiuius, mercedis gratia minime locent.

*De Edicto proponendo pro Parochialibus vacantibus, ac de examine promouendorum ad dictas Ecclesias.*

**E**Piscopi cum primum Parochialem Ecclesiam vacare cognouerint, intra triduum ad Cathedralis, & vacantis Ecclesiæ ianuam edictū proponāt, & ad diem decimam conuocent, & inuitent, qui volunt exami-

nari, vel examinandos nominare, & in termino præstituto nominati, & præsentati, electi, & descripti, examini se subijciant, & per concursum magis idoneo, ac infra terminum iuxta Tridentini Concilij decretum, & Pij Quinti bullam, beneficium conferatur: Ita tamen ut ætas grauior moris, & vitæ integritas in æquali litterarum scientia præponderet, atque illi qui ex eadem diœcesi, & multo magis, qui eiusdem loci fuerint, in quo Ecclesia vacans constituta est, extraneo, ceteris paribus præferantur.

Terminus vero decem dierum ultra alios decem dies minime prologetur ex eiusdem bullæ prohibitione.

Interrogabuntur autem examinandi de ætate, ordine, vita, moribus, & scientia: quod liquide patebit, ex interrogationibus & responsionibus eorum, quæ illis legenda proposuerint examinatores.

Examinatores eorum, qui sunt ad beneficia promouendi in diœcesanis Synodis ij. eligantur, & comprobentur, qui religione, vitæ integritate, alijsque, quæ Tridentinum iubeat Concilium, virtutibus, & ornamentis ceteros antecellant: in quo non solum Cathedralis Capituli, sed aliorum etiam Clericorum, & regularium ratio habeatur. Munera autem occasione huius examinis nec ante, nec post accipiant; alioquin in pœnas à Sacrosancta Tridentina Synodo sancitas incidisse se sciant.

De Be-

*De Beneficiorum Collatione.*

**E**Xpedit maxime dum Parochiales Ecclesiæ conferuntur, vt non hominum cupiditati, sed animarum saluti cōsuletur: ideo Episcopi pro ea, quam Iesū Christo debent, pietate curent, vt illos eligant, & in concursu conferant, qui sui officij onus sustinere possint; ac prompto animo subire velint: indignos autem ac præsertim qui sua suorumq; quærunt, non quæ Iesū Christi, omnino reiiciant, & circa resignationes sel. rec. Pij Quinti constitutio obseruetur; meminerintque Episcopi se ex earundem litterarum dispositione excommunicationem, & suspensionem incurrere Apostolicę Sedi reseruata, si alijs in casibus, præterquam in litteris præfatis expressis eas admiserint.

Et quia diutina vacatio Ecclesijs maxime Parochialibus non parui detrimenti esse solet: ideo Episcopi quamprimum (seruata tamen forma Concilij Tridentini, & Pij Quinti bullæ) conferant, & si opus fuerit, idoneum in ea Vicarium, simulac Ecclesiæ vacationis notitiam habuerint, cū cōgrua eius arbitrio fructuum assignatione constituent, qui onera ipsius Ecclesiæ sustineat donec de Rectore ei provideatur.

Sciantque Patroni, & qui in beneficijs præsentandi aut delegandi ius habent, se subijcere vnà cum præsentato, & electo excommunicationis & interdicti pœnis; ac priuationis iuris patronatus, si quouis modo, & quauis causa, vel occasione se ingerant, paciscantur, consequantur, aut quoquo modo retinere præsumant partem,



tem, etiam si ultro oblatum sit, in bonis & fructibus beneficij; & si libere illos Rectori seu beneficiato non dimittant: nec ante mortem Rectoris iuris patronatus de futura præsentatione cum patronis aliquis nec per se, nec per interpositam personam tractare possit sub excommunicationis pœna, & inhabilitatis ad obtinendum beneficia.

Episcopi præsentatum, vel ab inferiore electum nõ prius admittant aut instituant, quàm iusiurandũ iuxta subscriptam formam ab eo exegerint, quod nil de prædictis interuenit.

*Forma iuramenti.*

**E**GO N. præsentatus ad beneficium de N. iuro ad hæc sacrosancta Dei Evangelia per me corporaliter tacta, quòd propter prædictũ beneficium obtinendum, aut præsentationem ad id habendum, aut acquirendũ, neq; ego, neq; alia persona vice ac nomine meo, nec de consensu aut scientia mea patrõno, seu alio cuique aliquid præmissorũ nomine, aut intuitu promissimus, aut dedimus. Nec quicquam eius rei gratia permutauimus, compensauimus, aut prius datum confirmauimus, apud quemquam deposuimus, seu quicquam mutuauimus, seu elocauimus prius, ut mutuum, cõmodatum, depositum, aut elocatum, aut quocumque modo debitum remisimus seu laxauimus; nec de sanctuario, gleba, domibus, terris, prædijs tenimentis, redditibus prædictæ Ecclesiæ fructibus, decimis, aut oblationibus eiusdem præteritis, præsentibus, aut futu-  
ris



ris donationem, remissionem, locationemue promissimus, fecimus, aut iniuimus, seu aliquis nostrū de mandato, scientia aut consensu meo promissit, fecit aut iniuit. Ita me Deus adiuuet, & hæc sancta Dei Euangelia.

Caueant Episcopi ne fiducialia beneficia fiant, neue tacite aut expresse cōuentū sit, vt ad alterius voluntatē alter titulo renūciare teneatur; quod ad Simoniacā labem accedere tū sacris Canonibus, tū Quarti & Quinti Pij cōstitutionibus declaratū est. Qui talia autem cōmiserint, pœnas indictas in sacris cōstitutionibus prædictis contra Simoniacos, & fiduciarios incurrant.

*De Parochis, & eorum officio ac ministerio.*

**P**arochi Dominicis diebus, & festis solemnibus, ac tam frequenter, vt suo muneri satisfaciāt, Missas celebrent, & festis præsertim diebus gregem sibi cōmissum verbi Dei pabulo pascant, dilucide, ac cōpendiose sacrum Euangelium, legis præcepta, fidei rudimēta, orationem Dominicam, sacramentorum virtutes, & effectus declarent, cum à vitijs ad virtutes adhortantes. Post prandium vero conuocatis pueris & alijs rudibus in Ecclesia ad signum campanæ eisdem doctrinam Christianam doceant, sciantq; Parochi, & omnes alij, ijs, qui talia executi fuerint, Indulgentias summi Pontificis Gregorij XIII. concessas esse.

Studeantq; etiam necorū culpa absq; sacramentis aliquem è vita emigrare contingat: quod si euenerit (quod absit) ab officio & beneficio suspendantur; aliàs pro modo culpæ grauissime corripiantur.

Reci-

Recipiant quot annis ab eorum Episcopo, vel cathedrali Olea sancta, sanctumque Chrisma in feria quinta in Cœna Domini, nec ei qui in sacris non sit, & superpelliceo indutus, & si non sit lumina deferens, deferenda tribuantur: quæ olea sanctumque Chrisma per Parochum in Ecclesia cum clavi penes se retinenda asseruentur.

Ad Ecclesiasticam sepulturam defunctum aliquem cuiuscumque conditionis, status, & sexus extiterit, Parochus non recipiat, nisi prius constiterit ipsum defunctum eo saltem anno confessum fuisse, & sacram Eucharistiam sumpsisse, vel signa contritionis tempore mortis apparuisse, sub pœna excommunicationis, & alijs arbitrio Episcopi imponendis.

Nemo Presbyterorum curatorum ab una ad aliam Parochiam inscijs Episcopis, & sine mandato se transferant, ut in illa inseruiant, & ministrent sub pœna ordinarij arbitrio infligenda.

Nemo etiam audeat falcem in alienam messem mittere Parochiam ingrediendo, sacramenta ministrando, ac cetera parochialia munera obeundo: sed quisque intra suos limites se contineat, & nullo modo eos transgrediatur.

Parochi omnes semper in suo munere obeundo sint diligentes: sed tunc præsertim cum sui ægrotant, quos sæpe visitent, si eos egrotare sciuerint, etiam si minime vocati fuerint, ne eorum negligentia aliquis sine sacramentorum perceptione decedat, nec eos deserant, sed cum eis usque ad extremum vitæ assistant, orationibus,  
exhor-

exhortationibus, & exéplis ad'beñe & Christiane moriendum infirmos iuando.

Si aliquem Parochum tam ciuitatis, quàm diœcesis egrotare contigerit, aut ex hac vita recedere, qui ceteris illi est propinquior, & vicinior, ordinarium de illius infirmitate, & obitu quamprimum certiore faciat, aliàs Episcopi arbitrio mulctetur.

Quoniam Episcopi ubiq; esse non possunt, & plerunque accidit, quòd grauius delicta per Sacerdotes, & clericos, & alias Ecclesiasticas personas in ciuitatibus, & diœcesibus, & in locis remotis committuntur, & à superiore ignorantur: ideo ne delicta remaneant impunita, Synodus statuit, vt omnes, & singuli Rectores quamprimum sciuerint seu viderint clericum alium, ea quæ minime ordini ac gradui suo congruunt, perpetrare, & aliqua indecenter committere, in termino dierum trium vel quamprimum potuerint denunciare, notificare, & insinuare debeant, & teneantur Episcopis.

Quotiescumq; in urbem venerint, Episcopum adeant, nec absq; Episcopi licentia, & benedictione à ciuitate discedant.

Parochi omnes in die Purificationis Beatæ Virginis candelas distribuant fidelibus Christianis, qui illa die in Ecclesia cõuenerint, & deuote eas percepturi accensasque in processione delaturi erunt: fiat autem distributio in ea quantitate pondere, & mensura prout laudabilis consuetudo postulat, & Episcopis videbitur.

L De

*De Residentia.*

**C**VM Pastorum residetia tam valde commendetur, & districte percipiatur, tum à sacris Pontificibus, tum à sacrorum Conciliorum constitutionibus tãquam illud vnum fundamentum, in quo spes omnis sit collocata retinendæ Ecclesiasticæ disciplinæ, nulla potest in hac re adhiberi aut opera, aut diligentia, quæ satis sit: idcirco hæc Synodus omnes Episcopos monet in Domino, ac per viscera Domini nostri hortatur, & alios inferiores omnes qui animarum curam habent, etiã eis præcipiendo requirit, vt diuinorum præceptorum memores gregi suo inuigilent, atq; assistant eo studio, ac pietate, vt nihil quod ad salutem ouium sibi creditarum pertinet, vllò vnquam tempore ab illis desiderari possit. Cũ vero Christiana charitas, vrgens necessitas, debita obedientia ac euidēs Ecclesiæ vel Rei publicæ utilitas ex Episcopis aliquem abesse postulauerint, seruentur omnia, quæ super hoc à sacro Concilio Tridentino statuta sunt. De Curatis quoque inferioribus omnino prouidendum est iuxta eiusdem Concilij decreta; vt quandocumq; eos causa prius per Episcopum cognita abesse contigerit, Vicarium idoneum ab ipso Ordinario approbandum cum debita mercedis assignatione relinquunt. Discedendi autem licentia in scriptis gratisq; concedatur, qua etiã obtenta vltra bimestre tempus, nisi ex graui causa, nemini abesse liceat.

Quod vero ad Episcopos attinet, etsi non dubitet hæc Synodus eos proprii muneris perpetuo memores fore: tamen pro suo officio non potest non cõmemo-

rare,

rare, quòd præter pœnas, quæ contra non residentes à concilio Tridentino cōstitutę sunt, non euadent alias sancitas in bulla Pij Quarti, & Quinti fel. rec.

Et tandem vt sacro concilio Tridentino satisfiat, decreta super residentia, quæ tam sub Paulo III. quàm sub Pio IIII. statuta fuerunt, ac bulla Papæ Pij V. quotannis publicanda decreuit in Episcopalibus cōcilijs ad hoc vt omniũ auribus mentibusq; infigi possint, & in posterum ( Deo adiuuante ) nulla temporũ iniuria, aut hominũ obliuione, aut defuetudine aboleantur.

*De Sepulturis funeralibus, & exequijs, & eorum exactiõibus cohibendis.*

**S**ola charitatis ratio Clericos tam sæculares, quàm regulares adducere debet, vt Christifideles funeribus intersint. Quare ab omni eos decet auaritiæ corruptela, & ostentatione alienos esse. Prohibentur igitur ne exequiarum, sepulturæ, aut anniuersariorũ causã quicquam paciscant; sed piã, & laudabilem consuetudinẽ circa funeralia obseruent, ne quod valde religiosũ est, aut Ecclesia venalis fortasse, quod absit, dicatur; aut ipsi de humanis videantur mortibus gratulari, si ex eorũ cadaueribus quolibet modo studeãt quærere cõpẽdiũ.

Ante solis ortum, & post occasum ad sepulturã cadauer non efferatur, nisi de licentia Episcopi, aut eius Vicarij, eoq; sepulto per consanguineos familiares, & amicos defuncti sepulchrũ nullo modo quouis quæsito colore aperiatur, nec aliquid quod superstitionis habeat, intus apponatur.

Pauperes qui sua impensa humari non possunt, gratis à Parocho sepeliantur: quoad alios vero seruetur laudabilis consuetudo.

Parochi librum habeant, in quo parochianorū suorum, qui decesserint, omnium nomina diligenter annotent: alioquin, ut Episcopo videbitur, puniantur.

Superstitiosum in plorandis mortuis abusum, qui in Prouincia nostra iamdiu diabolica fraude irrepsit, penitus abolere volentes, in sanctæ obedientiæ virtute præcipimus, ne qua mulierum præficarum, quas reputatrices appellant, audeant officio fungi in inuitandis ad eiulatum alijs in cōsanguineorum, cognatorumq; funeribus, sed hoc nomine, & vsu à Christi Domini grege fugato ac eliminato, ita luceant posthac, ut Christianas decet fœminas, sacra dictante scriptura, Super mortuum modicum plora. & Apostolo admonente: Nolumus vos ignorare fratres de dormientibus ut nō contristemini sicut & ceteri qui spem non habent.

Cum vero ad Ecclesiam funus effertur, prohibemus ne mulieres, quæ Ecclesias vlulatibus complere solebant, suos sequantur defunctos, sed domi se contineant: Quod si Parocho admonitore facere neglexerint, presbyteri omnes eū pōpa nullatenus ultra progrediatur, sed ibi relicto funere, nisi statim obsequentes, se reddiderint, continuo discedant. Nō enim decet tēpla Dei omnipotentis, quæ domus orationis vocantur, & in quibus astat diuina maiestas, ad fideiū vota cōplenda, peccataq; dimittenda, eiusmodi vlulatibus compleri. Quæ omnia etiā in Ecclesijs Regularium obseruentur.

Man-



Mandatque Synodus, vt sepulto defuncto, omnes eius coniuncti quamprimum, vel saltem post decem dies; fœminæ vero post mensem ad Ecclesiam pro audiendis Missis, & alijs diuinis officijs accedere teneantur: & ad id ab Episcopis per censuras ecclesiasticas cogi possint, quauis consuetudine, quæ potius corruptela est, non obstante.

Sub eisdem censuris, & alijs pœnis Episcopi prohibeant, ne mulieres præficient, ac faciem dilanient, nec sic præficatas, & dilaniatas in Ecclesiam ingredi permittant.

### *De Confraternitatibus.*

**E**piscopi incumbant, vt à Confraternitatibus, præter supradictas constitutiones, si quas habent, integre, & inuiolabiliter obseruentur, quæ tamen ab ipsis Episcopis, & approbatione, & subscriptione munitæ, & roboratæ fuerint, adeo vt diuinus cultus, atque probata ipforum vita merito apud Dominum commendetur: quæ vero nullam regulam habet ab Episcopo eam sumant quanto citius: nouæ vero confraternitates absq; Episcopi licentia erigi vel institui non possint.

Conuiuia confraternitatis alicuius facultatibus, aut eleemosynis fieri solita nullo modo in posterum fiât, & maxime in confraternitatum Oratorijs, sub pœnis Episcopi arbitrio infligendis.

Prohibetur præterea omnibus, & singulis Gubernatoribus, Magistris, Procuratoribus, Cōfratribus, & alijs quibuscumque Laicis, in huiusmodi Confraternitati-  
bus



bus concionari, aut verba facere de rebus ad Christianam fidem, & Catholicam religionem pertinentibus, nisi prius fidei professionem emiserint, & ab Episcopis licentiam in scriptis obtinuerint. Si qui vero in prædictis deliquerint, ab Episcopis correcti etiã arbitrio ipsorum puniantur; nec confratres aliud officium, aliasque orationes, & letanias recitare possint, nisi quæ ab Ordinario reuixæ, & approbatæ fuerint.

*De Piorum locorum administratione.*

Piorum locorum Ecclesiasticorum administratio Episcopi curent, ut seruata forma concilij Tridentini decretorum committatur viris prouidis, & idoneis, qui sciant, velint, & valeant loca ipsa, bona eorum, ac iura vtiliter regere, & eorum prouentus, & redditus in personarum vsum miserabilium dispensare, & quos in vsum alios prædicta conuertere præsumptio verisimilis non existat: Monasteriorum vero monialiũ, aliorumue locorum ad curam Episcopi spectantium administratores ab vniuersitate, seu à quocumque electi, aut deputati eorum officium exercere non incipiant, nisi habita Episcopi confirmatione, sine qua electio, & eorum deputatio nullum sortiatur effectum.

Administratores ad instar Tutorum, & Curatorum in manibus Episcopi, vel Vicarij iuramentum præstet, ac de locorum ipsorum bonis cõficiant Inuentarium, cuius exemplum infra tempus supra statutum Ordinatio præsentent authenticum.

Admi-

Administrationis sodalitarum, hospitalium, montium pietatis, fabricæ Ecclesiarum, & piorum locorum quorumcumq; rationes exhibeantur quotannis Episcopo, vel ab eo ad id electo.

Episcopi vel deputati ab ipsis sodalitates, hospitalia, montes pietatis, fabricas Ecclesiarum, & piorum locorum quorumcumq; visitent, iuxta sacros canones, & sancti Tridentini concilij decretum.

Librum autem prædicta loca habeant, in quo distincte, & explicite descripta sint legata omnia, & onera, quæ illis imminet; cuius libri exemplum publici item Notarii auctoritate munitum deferant in Archium Episcopale: tabella præterea sit in loco affixa, in quo solent congregari, cum iisdem oneribus, & legatis strictim adnotatis, mensium ordine servato, & rerum ipsarum genere, in quibus quidem libris, & tabella ea indies erunt addenda vel demenda, quæ aut augeri contigerit, aut minui.

Liber separatus habeatur in unoquoque Capitulo piorum locorum, in quo libro appposito die describantur propositiones omnes, quæ in ipso Capitulo fiunt, & non obtineatur, & constare facile possit omni tempore eas fuisse reiectas.

Nulla modo permittant Episcopi, ut administratores superscripti piorum locorum, procuratores eorum urbani, vel rurales, aut eorum filij, vel propinqui, vel alius, qui ex illis pendet, emphyteosis locationisue nomine conducatur prædia, aut aliud quidvis, quod ad suam administrationem, vel procuracionem perti-

pertineat; & quando bona locorum piorum locanda erunt, locentur non arbitrio administratorum, sed publice locanda proponantur, facta omnibus præter supradictos conducendi potestate; & cōductione facta, conductor det idoneum fideiussorem in solidū obligatum cum principali. Si quis autem est qui id non fecerit, statim ab ea administratione, vel procuratione amoveatur. Neque etiam permittant quid vendi, aut quouis modo alienari, nisi seruatis ijs quæ à sacris canonibus requiruntur, & ex consensu, & auctoritate eorum: qui contrafecerint, Episcopi arbitrio puniantur; & quod actum est, irritum & nullum sit.

In Hospitalibus Sacerdotes non desint, qui Missam saltem festis diebus in loco infirmis ipsis accommodato celebrent, sacramenta rite, & opportune languentibus administrent, atq; infirmantibus ad mortem ad animæ salutem necessaria commemorent, & charitatis officium vsq; ad vitæ exitū in eos exerceant, illorumq; nomina, genus, & patriam diligenter adnotent. Defunctos vero ecclesiasticæ sepulturæ (sacris precibus adhibitis) pie, & religiose mandent.

Inuigilent Episcopi, commoneantq; parentes, propositis excōmunicationibus atq; alijs arbitrio pœnis ne in Orphanotrophijs filios suos infantes exponant, quos ipsi alere etiā industria valent, & sciant se ad restitutionē alimentorū prorsus teneri; mandentq; confessoribus, vt prædictos non absoluant nisi satisfecerint.

Infantibus vero in ipsis Orphanotrophijs expositis nutrices dentur subsidiariæ, quæ lactent donec baptizen-

ptizentur, & alendi doceantur, & omnia alia pro corū cura ita comparentur, vt periclitandorum puerorum nulla occasio esse possit. cum vero ad eam ætatem peruenierint, quæ ad disciplinam idonea est, tam masculi quàm fœminę pro facultatibus, & opportunitate locorū & instruatur moribus, & artibus erudiantur quæcumque sexui conuenire videbunt.

*De Legatis pijs.*

**Q**Voniam pijs defunctorum voluntatibus iura maxime fauent, & Episcopi omnium piarum dispositionū tam in vltima voluntate, quàm inter viuos sunt executores: ideo ne auaritia hæredum, aut impietate occulta maneant, & exequi Episcopi valeant, hæc Synodus statuit, & ordinauit, vt in qualibet curia Episcopali retineatur liber, in quo relictæ pia describatur, cum nomine notarij, testatoris legatarij, dici, anni, & testium: & vt ad cognitionem prædictorum relictorū legatorum deueniri possit, præcipitur sub pœna excommunicationis eoipso subeūda notarijs, scribisq; omnibus testamenta, atq; alias dispositiones, qualescumque sint, in quibus aliquid Ecclesijs, hospitalibus, mōtib; pietatis, atque alijs pijs locis, vel causis relictum fuerit rogatis, vt infra mensem à die quo dispositio effectum suum sortiri ac irreuocabiliter ligare incepit, legata facta ad pias causas denuncient, eamque particulam delegatis vel relictis rebus descriptam, & auctoritate publica munitam, debita mercede accepta, Episcopis tradant, & acceptam exequi faciant, sub censuris, & pœ-

nis arbitrio eorum imponendis.

Atq; vt Ecclesijs iura sua restituatur, statuit, vt post-  
hac canonica portio integre & realiter persoluatur  
iuxta formam iuris, & sacri Tridentini cōcilij decreta.

*De Rebus Ecclesia, ac piorum locorum non  
alienandis & vsurpandis, ac male  
alienatis & vsurpatis  
recuperandis.*

**A**mbitiosæ cupiditatī hęc Synodus occurrere cu-  
piens, prohibet omnium rerum & bonorum Ec-  
clesiasticorum alienationem, omne pactum per quod  
ipsorum dominium transfertur, concessionem, hypo-  
tecā, locationem, & conductionem vltra triennium;  
nec non infeudationem, vel contractum mphyteo-  
ticum. Si quis vero inconsulto Romano Pontifice de  
bonis & rebus Ecclesiæ quicquam alienare præsum-  
pserit, alienatio, hypoteca, concessio, locatio, condu-  
ctio, & infeudatio huiusmodi nullius sit roboris, &  
momenti; & tam qui alienat, quàm qui alienatas res &  
bona prædicta receperit, sententiam excommunica-  
tionis incurrat. Declaratq; Prouinciale concilium ex-  
trauagantem, Ambitiosæ. Pauli secundi in Prouincia  
in vsum receptam.

Et quia vsu compertum est, alienationes bonorum  
Ecclesiasticorum fieri sæpe sub conditione, vt illarum  
confirmatio ab Apostolica sede obtineatur, interim  
autem possideri, non obtenta aliter confirmatione  
huius-

huiusmodi in graue Ecclesiarum damnum, & animarum ipsorum contrahentium præiudicium: ideo Episcopi diligenter inquirant super huiusmodi alienationibus quorumcumq; bonorum Ecclesiasticorum, etiam hospitalium; & si quas sub iam dicta conditione nondum impleta factas repperint, irritas & inanes declarent: & in eos, qui se in possessionem vel detentionem ante obtentam confirmationem intrudere ausi fuerint, & in futurum audebunt, pœnas sacris Canonibus & summorum Pontificum constitutionibus aduersus eisdem inflictas, exequi omnino studeant: mādaturq; Notarijs, quòd contractus alienationum huiusmodi absque assensu Apostolico prius obtento, etiam cum Episcopi licentia, non conficiant, sub pœna excommunicationis latæ sententiæ: nec iudices, vel testes aliter intersint sub eadem pœna, nec infra forests seu defensas bonorum vel aliorum, Ecclesiarum bona & territoria includantur, & occupentur directe, vel indirecte, vel quocumque quæsito colore sub pœna prædicta.

Episcopi, aut eorum Vicarij Ecclesiasticorum bonorum alienationes auctoritate Apostolica cōfirmandas sedulo curent, vt diligenti inuestigatione adhibita, & in rem præsentem euntes rite, & recte, ac mature omnia faciant, vt omnino Ecclesiæ indemnitati consulatur.

Sacri concilij Tridentini auctoritate præcipitur singulis Episcopis, vt ipsi, aut eorū Vicarij adiunctis duobus altero quidem ex Capitulo, altero ex Clero reco-

gnoscat quascumq; alienationes, & locationes bonorum Ecclesiasticorum ad lōgum tempus, etiam auctoritate Apostolica confirmatas, quę intra triginta annos confectę fuerint iudicent, & decernant, an Ecclesiarū detrimento seu contra Canonicas sanctiones, an omisso iuris ordine contractę sint: quod si ad Episcopū vel eius mensam bona locata pertineant, aut ipse, vel ipsius Vicarius, Commissarij seu executores fuerint, ad viciniorem Episcopum cum supradictis à Capitulo & Clero electis recognitio, ac iudicium eiusmodi transferatur. Si vero etiā ipsi legitime recusari poterunt, duo alij à Capitulo & Clero adiungantur, qui eam tantum causam cum illo Episcopo recognoscant, & iudicent.

*De Decimis soluendis.*

**C**Um decimarum solutio sit de iure diuino, & quicquid eas dare nolunt, aut dantes impediunt, res alienas inuadūt, & Ecclesias ad eam egestatem, & inopiam redigunt, vt facile debitis obsequijs & cultu destituatur: Idcirco iuxta Tridentini concilij decretum præcipitur omnibus cuiuscumq; gradus, & conditionis sint, ad quos decimarum solutio spectat, vt eas ad quas de iure tenentur, iuxta locorum consuetudinem in posterum cathedrali, vel quibuscumque alijs Ecclesijs vel personis, quibus legitime debentur, integre persoluāt: qui vero eas aut subtrahunt, aut impediunt, excommunicentur, nec nisi secuta plena restitutione absoluantur. Parochi vero in exigendis decimis negligentes ab Episcopo puniantur. Idem Parochi quolibet anno in  
mense



menſe Decembris referant Epifcopo qui decimas ſoluere recuſauerint, & decimarum exactionem laicis locare non poſſint.

Hortanturque omnes, & ſinguli pro Chriſtiana charitate, debitoq; erga paſtores ſuos munere, vt à Deo ſibi collatis Epifcopis, & Parochis, qui tenuioribus præſunt Eccleſijs, largiter ſubuenire ad Dei laudem, atque paſtorum ſuorum, qui pro eis inuigilant, dignitatem tuendam non grauentur.

Atque vt populis innotefcat quàm periculoſo ſe facinore aſtringant, qui decimas abnegant; Parochis itidem iſſis præcipitur, vt ſemel ſaltem quotannis, quo tempore Epifcopi expedire cenſebunt, prout iſſis commodius fuerit, decretum ſupradicti Concilij de Decimis inter Miſſarum ſolemnia frequenti populo publice legant, ac materno ſermone interpretentur.

*De Synodo diœceſana quotannis celebranda.*

Synodus diœceſana quotannis ab Epifcopo celebratur, ad quam exempti, qui aliàs ceſſante exemptione intereſſe deberent, nec Capitulis generalibus ſubduntur, accedere teneantur: ratione tamen Parochialium, aut aliarum Eccleſiarum ſecularium etiam annexarum debeant ij, qui illarum curam gerunt, quicumque illi ſint, Synodo intereſſe, vt abuſus, qui in dies occurrere poſſent, tollantur, & fidei profeſſio per omnes fiat, quicam facere tenentur iuxta decretum Tridentini concilij & bullam Pij III. ſel. rec.

Legatur

Legatur Decretum sacri Tridentini concilij de examinabilibus, sess. 24. cap. 18. quod incipit, Expediit. & collecto, proponantur ab ipso Episcopo sex saltem examinatores, ex quibus sex qui plura suffragia habuerint, ab ipsa Synodo approbati intelligantur; electi autem in manu Episcopi, aut Vicarij iurent quacumque postposita humana affectione munus suum fideliter se esse executuros.

In dicta Synodo eligantur deputati ad vtilia Cleri, ex his facto scrutinio qui propositi fuerint decem, qui plura habuerint suffragia intelligantur electi: sint autem duo ex Canonicis, duo ex Ecclesia cathedrali, vnus ex Parochis ciuitatis, & quinque ex Clero diocesis electi: porro iurent in manu Episcopi, seu Vicarij de recte & fideliter exequendo munera sua, postposita omni humana affectione.

### *De Visitatione.*

**E**piscopi propriam diocesim per se ipsos, si legitime impediti non fuerint, si quotannis totam propter eius latitudinem visitare non poterunt, saltem maiorem eius partem, ita tamen, ut tota biennio per se, vel per Vicarium, vel visitatorem compleatur, visitare non prætermittat: scopus autem in visitando præcipuus sit, sanam orthodoxamque doctrinam expulsis hæresibus inducere, bonos mores tueri, prauos corrigere, populum cohortationibus, & monitionibus ad religionem, pacem, innocentiamque accendere; cetera prout locus, tempus, & oc-

& occasio feret ex visitantium prudentia ad fideiū fructum constituere: quę vt facilius, feliciusq; succedant; singuli ad quos visitatio spectat, monentur, vt paterna charitate Christianoq; zelo omnes amplectantur.

Capitula Cathedralium etiam visitet Episcopi, corrigant, & emendent toties quoties opus fuerit ex statuto Tridentini concilij, non obstantibus exemptionibus, consuetudinibus, sententijs, curamentis, & concordijs.

Commendata Monasteria, etiam Abbatis, Prioratus, & Præpositurę nuncupatę, in quibus non viget regularis obseruantia, nec non Beneficia tam curata, quā non curata, secularia, & regularia, qualitercūq; commendata, etiam exempta ab Episcopis annis singulis visitentur: curentque ijdem Episcopi congruentibus remedijs etiam per sequestrationem fructuum, vt quę renouatione indigent aut restauratione, reficiantur; & cura animarum, si qua illis vel eorum annexis immineat, aliaque debita obsequia exerceantur; etsi in eis viget obseruantia Regularis, prouideant Episcopi paternis admonitionibus, vt eorum Regularium superiores, eorum Regularia instituta, & debitam viuendi rationem obseruent, & obseruari faciant, & sibi subditos in officio contineant, & moderentur. Quod si sic moniti infra sex menses eos non visitauerint, nec correxerint, ijdem Episcopi ex decreto Tridentini concilij eos visitent, & corrigant.

Eadem Episcopi diligentia vtantur in his etiam Ecclesijs visitandis, quę nulli diocesi subiectę dicuntur; quod

quod tamen ius illi competit, cuius cathedralis Ecclesia propinquior esse constet; alioquin ab eo, qui semel in Concilio prouinciali à Prælato illius loci electus fuerit, qui tamquam Apostolicus delegatus visitet, quibus cumq; priuilegijs non obstantibus.

Episcopi etiam visitent hospitalia, collegia, confraternitates, montes pietatis, & pia loca omnia quomodocumq; nuncupentur, etiam si locorum prædictorum cura ad laicos pertineat, atq; eadem pia loca exemptionis priuilegio sint munita, & omnia quæ ad Dei cultum aut animarum salutem seu pauperes sustentandos instituta sunt, ipsi ex officio suo iuxta sacrorum canonum instituta agnoscant, & exequantur; contumaces, & contradictores huic tam pio, ac necessario officio aut verbis, aut factis, ordinarij arbitrio puniantur, & nihilominus huic decreto parere omnibus opportunis remedijs, inuocato etiam si oportuerit secularis brachij auxilio, ab Episcopis cogantur.

Præcipuamque curam habeant Episcopi in visitatione de scholis, & litterarum ludis, & bonarum artium magistris, & num vitæ probitatē, integritatem, & scientiæ puritatem seruent.

An sciant Ecclesiam esse consecratam, vel benedictam, an consecrata sint altaria, & vasa, & corporalia, vestes, & id genus, reliqua sint benedicta. Hæc omnia diligenter inuestigentur, ut inde intelligatur quid consideretur in ijs, & prouideatur.

An aliquis etiā usurpet decimas, & bona ad Ecclesiâ spectantia, & seruetur in hoc Tridentini concilij decretum.

De

*De Vicarijs Foraneis.*

**V**T autem præmissa omnia, & alia etiam inferius statuenda, & ordinada per ordinarios, maxime in visitatione, facilius executioni mādentur, statuit hæc Synodus, vt in singulas diocceses qui magis idonei videbuntur, Vicarij foranei, vbi non ad sunt, cōstituantur; quorum munus erit omni diligentia curare, vt omnia quæ præcepta sunt, & alia per Episcopos in dies præcipienda executionem sortiantur, quærantq; de vita, & moribus Presbyterorum, & quales se in pastoralis præbeant cura, & an in Parochijs sibi commissis omnia recte agantur; num Rectores resideant, & non residetes Episcopis denuncient: præcipue autem inquirent, an à Parochijs erga miserabiles sub sua cura personas debitum persoluatur officium, ad hoc ne quis ob vitæ incommoda decedere cogatur.

Prouideantq; ne diebus Dominicis, & festis aliquod illicitū opus fiat; & quos in aliquo delinquere prospexerint, Episcopis indicent, ac denuncient, crimina, & delicta Clericorum, vt, quod iuris fuerit, exequi possit.

*De Ludi Magistris.*

**M**Agistri scholarum, quoq; & præceptores pueros, & adolefcētes suos ne dum in Grāmatica, & Rhetorica, verū etiam in his, quæ ad religionē spectant, vt sunt diuina præcepta, articuli fidei, alia similia erudiāt; diebusq; festiuis ad diuina audienda hortentur, ac impellant, legantq; in scholis Catechismū, nec scholam aperiant, nisi cū licētia ordinarij, & emissā fidei professione.

N Et

Et non solum libros Indice sel. recor. Pij Papæ IIII. edito nominatim vetitos, sed nec obscœna vel turpia tractantes pueris legendos, vel interpretandos proponant; sed illos, qui ab Ordinario propositi, & approbati fuerint: eosq; vehementer hortamur, vt in tam flexibili ætate, & ad malũ prona, discipulos suos bonis moribus, ac salutaribus præceptis instituant.

## SESSIO QUINTA

CELEBRATA DIE XVII. MAII

M D L X X I X.

*De Iudiciali foro Episcopi, & de Iudicijs.*



Quoniam causæ omnes ad forum Ecclesiasticum quomodolibet pertinētes, iuxta sacros Canones, coram Ecclesiasticis dumtaxat iudicibus cognosci & terminari debeant: ideo Episcopi suo arbitrio pœnis & cēsuris afficiant omnes & singulos clericos, etiam regulares, administratores hospitalium, & aliorũ piorum locorum quorũcumq; qui in causis, vt supra vel agendo, vel excipiendo, vel aliter in iudicio & foro sæculari comparere, vel eis se subijcere præsumpserint: declarando præterea nullius esse roboris, & momēti processus, & actus quoscumq; qui tam in præmissis, quàm in omnibus alijs causis ad forum Ecclesiasticum ex decreto Tridentini concilij pertinētibus coram Iudice, & foro sæculari quacumq; ratio-



ratione vel prætextu astitati, ac ventilati fuerint. Et vt hoc decretum inuiolabiliter obseruetur, Episcopi diligenter operam dabunt.

Episcopi in terminandis causis, quantũ fieri potest, breuitati studeant, ac litigatorũ artibus, seu in litis contestatione, seu alia parte iudicij differenda modis omnibus, aut termini præfixione, aut competenti alia ratione occurrant.

Appellationes non recipiantur, nec inhibitiones fiant nisi à diffinitiuâ, vel à diffinitiuâ vim habente, vel cuius grauamen per appellationem à diffinitiuâ reparari non possit. Et ne inhibitorias indebitas fieri contingat, & partes inutilibus sumptibus grauentur: ideo hæc Synodus statuit, vt adueniente casu in primis à Iudice ad quem breuiori termino præfixo, vbi probabiliter iuxta communis iuris regulas, & doctrinas, ea de causa dubitetur esse discutiendum, an appellatio sit huiusmodi, quæ ex præfato Concilij decreto reijci, vel recipi debeat, ne si quas minime deceat appellationes Iudex admiserit, vel admittendas reiecerit iusta conquirendi occasio alicui præbeatur.

Quoniam omnis sententia sine legitimo processu recte factò viribus non subsistit, statuerunt Patres antiqui, vt omnia acta iudicis exacta diligentia, & competenti ordine scribantur, & sic cõscripta partibus requirantibus tradantur: Itaque originalia penes scriptores remaneant, vt si super processu iudicis fuerit suborta contentio, per hæc possit veritas declarari. Hæc Synodus igitur in executione sacrorum Canonum statuit,



& ordinat, vt de cætero in formandis processibus seruentur ad minus termini infra scripti, videlicet ad libellandum, excipiendum seu respondendum libello, iurandum de calumnia, articulandum, & articulari videndum, dicendum contra articulos, producendum omnia contra producta.

Notarij singuli Episcopalis Curie in omnibus causis spiritualibus, aut temporalibus, ciuilibus, aut criminalibus teneantur, & debeant omnia, & singula acta iudicij diligenti ordine conscribere, non in schedulis, sed in libris quaternatis: Schemulæ, quæ per partes porriguntur in iudicio, vt sunt Libelli, Responsiones, Capitula, & Positiones, postquam fuerint descriptæ, vt præmittitur, reponantur in filcijs, quas singuli Notarij singulas facere teneantur singulis annis, & ita, & taliter præmissa obseruentur, quod nulla causa, nullaq; ratione Originalia à se dimittant. Si quis vero contra præmissa, vel præmissorum aliquid facere præsumpserit, eo ipso teneatur ad omne damnum, & interesse parti, quam ex eius ladj contigerit negligentia: quod si causa ex officio mota fuerit, ea pœna mulctetur, qua secundum qualitatem negotij mulctandus videbitur Episcopis.

Habeantque dicti Notarij vnum registrum, super quo singulariter registrantur omnes litteræ, quæ de dicta Curia exeunt sub censuris Ecclesiasticis, & alijs Episcopi arbitrio pœnis.

Et quia producuntur iura, & scripturæ authenticæ, quando pars producens intendit illa sibi restitui facere, non

re; non restituantur nisi dimissa copia auscultata cum Originali parte citata.

Et ut omnia recte procedant in formandis processibus, & scripturarum copijs faciendis, ponatur in qualibet facie paging, lineę viginti quattuor, & in qualibet linea syllabę quindecim.

*De Notarijs.*

**C**um ex Notariorum imperitia plurima damna, & multarum litium occasio oriatur: Episcopi Notarios quoscumq; examinent, & quos inuenerint experientia, probitate, scientia, & ætate præditos, illi eligantur, & approbentur; & qui electi, & approbati non fuerint coram aliquo Iudice ecclesiastico, siue ordinario, siue delegato, causas tractare, acta rogari, & Procuratoris officium exercere non possint; & approbati si in litibus & causis Ecclesiasticis, ac spiritualibus deliquisse reperti fuerint, iuxta sacri Tridentini concilij decretum puniantur.

Statuit etiam nullum Notarium rogari posse de contractu rerum Ecclesiasticarum ad forum Ecclesiasticum pertinentium; ut sunt decretorum interpositiones, beneficiorum renunciationes, vel ad renunciandum procuraciones, sponsalium dissolutiones, & similia, nisi ut supra approbati sint. Scripturas vero huiusmodi ab alijs Notarijs confectas, scriptas, & rogatas nullam in Ecclesiasticis iudicijs fidem facere statuit & decreuit.

Ecclesiastici fori Notarij tempore eorum admissionis iurent obseruare omne id quod ipsis ab hac Synodo mandatū est, ac etiam conscribere, & exemplari acta, & processus causarum ad Episcopalem curiam pertinentium, atq;  
omnia

omnia pro curia gestorum instrumenta in authenticā formā redigere, & in Archiuio reponere, vt ibi postea perpetuo conseruentur.

Originales processus (vt dictum est) Iudicibus, Ordinarijs, Delegatis, Arbitris, aut Arbitratoribus non deferant, sed eorum tantum exempla fideliter collata; nisi alicuius inopia aliud aliquando Episcopo videatur.

Notarij ab Episcopis cogantur modis omnibus quanto citius, & ad minus intra mensem (congrua mercede accepta) in appellationum causis copiam appellanti exhibere: etsi in deferenda exhibitione fraudem fecerint, iuxta Tridentini concilij decretum puniantur.

### *De Archiuio.*

**A**rchiuia vbi non sunt, instituant, & instituta recte curari studeant, omnemq; diligentiam adhibeant, vt instrumenta quæcumque, atq; scripturæ alię omnes in eis contentæ, ita conseruentur, vt ea nequeat vel temeraria manus attingere, vel vlllo pacto violare.

Custos vero ab Episcopo deputetur, qui diligentissime cuncta conseruet & administret, & per inuentarium cuncta tradantur, & ex eodem inuentario restituantur.

Custodi non liceat ex Archiuio originales scripturas tradere, etiam data fide, & pignore: & si contrafecerit, ab Ordinario ex arbitrio mulctetur.

Prælato decedente, clauēs Archiuij Oeconomo, vel Vicario capituli fide publica tradantur, & penes eosdē fideliter conseruentur, quę futuro Pastori postea consignentur.

Qui-

Quæcumq; Instrumenta, Scripturas, Monumenta, Iuraque omnia cuiuscumque Ecclesiæ detineant, vel vsurpent, ab Episcopis certiores fiant, eos ex sacri cõcilij Tridentini decreto vti Ecclesiasticorum iuriũ vsurpatores excommunicationis sententiam incurrisse. Et qui Instrumenta, Scripturas, Monumẽta, Iuraq; omnia cuiuscumq; Ecclesiæ detineri, & vsurpari sciuerint, & non prodiderint, canonica monitione præmissa, excommunicationi subijciantur, donec detinentes, aut vsurpantes reuclauerint, vel idonee fuerit satisfactum.

*De Inuentario processuum causarum, & negotiorum quorumcumque ab Episcopis conficiendo.*

**C**VM in Prouincia nostra fel. recor. Pij Papæ V. præcepto de cõficiendis Inuentarijs per Episcopos regni Neapolitani, & Siciliæ hætenus satisfactũ non sit: Ne tam vtile, tamque necessarium institutum per incuriam omittatur; Episcopos omnes commonemus, vt quilibet Inuentarium authenticum omniũ, & quarumcumq; suæ Curix querelarum, accusationum, inquisitionum, denunciationum, testificationum, instrumentorum, processuum, ceterorumq; actuum, causarum, negotiorum criminalium etiam mixtorum, quæ apud Curie suæ Notarium, siue actuariũ fuerint, quam primum conficiendum curet, & iuxta memoratũ præscriptum, seu bullam, quotannis in perpetuum conficiat, & dicti Notarij manu subscriptum penes se custodiat

diat donec super his iudicatum fuerit. Et si eum interim de vita decessisse contigerit, illud vniuersum sigillo suo obsignatū, fidei sacerdotis cui peccata sua confessus est (morte impendente) committat, tuto tamē & fideliter asseruandum, ac futuro Præfuli clausum integrumq; tradendum.

### *De Blasphemis.*

**S**Cientes plerosq; pœnarum grauitate magis quàm Dei timore arceri solere à voluntate peccandi: propterea in Blasphemos, quam maxime (vt reatus qualitas exigit) insurgentes, eos pœnis in Bulla piæ memoriæ Pij Papæ Quinti contentis, omnino afficiendos esse præcipimus.

Sed vt huiusmodi nefandum, & impiū scelus, quod tam diuinis, quàm humanis legibus detestatum est, de medio penitus tollatur, sodalitatem Dei nominis instituendam esse decernimus, quam per Episcopos in suis vrbibus, & diœcesibus præscriptis regulis vnà cum Indulgentijs in Bulla expressis à fel. recor. Pio Papa III. eius rei causa edita, quamprimum fieri poterit, institui mandamus.

### *De Simonia.*

**C**Vm detestabile scelus Simoniacæ prauitatis tam diuinorum, quàm sacrorum Canonum auctoritas abhorreat, arque damnet: Ideo vt aboleatur, Synodus mandat inuiolabiliter obseruari constitutiones maxime Pauli secundi, & Pij Quarti, & Quinti, & quod quicumq;

cumq; crimen simoniace commisisse cōuictus fuerit in consequendis ordinibus, eo ipso sit ab illorum executione per decennium sine spe dispensationis suspensus, & per annum carceri mancipetur.

Qui dignitates Ecclesiasticas simoniace acquisuerit, illis sit ipso iure priuatus, & in futurum inhabilis, & ad eas, & ad quascumq; alias obtinendas.

Qui officium, vel beneficium Ecclesiasticum simoniace adeptus fuerit, illis similiter sit ipso iure priuatus, & ad fructuum restitutionem teneatur, & perpetuo sit inhabilis ad ea, & quęcumq; alia beneficia obtinenda.

Si autem tale crimen pluries commisisse quis cōuictus fuerit, præter supradictas pœnas, etiam corporaliter puniatur, & ab ordinibus Ecclesiasticis degradatus à fidelium consortio eiiciatur.

Qui vero ordines, & beneficia simoniace contulerint, pœnis à iure statutis puniantur.

Cauēat præterea quicumque, ne in sacramentorum exhibitione simoniacum aliquid faciant: alioquin per locorum ordinarios grauissime puniantur: qui huiusmodi criminis reos cum maxima seueritate coercere procurent, iuxta Tridentini concilij decreta.

Ius patronatus, vēditionis, aut alio quocumq; titulo contra Canonicas sanctiones nullo modo patroni, etiā si communitates, & collegia quicumq; existant, transferre præsumant: si secus fecerint, excommunicationis & interdicti pœnis subiiciantur, & dicto iure patronatus ipso iure priuati existant. Nec aliquis huiusmodi illegitimarum alienationum particeps, aut mediator sit.



*De Hæreticis.*

**E**piscope singulare ac maximū studium in eo potissimum impendere debent, ne ipsis dormientibus inimicus homo praua hæresum semina doctrinæ, ac morum corruptionē disseminare, aut inserere valeat: Ideo præ ceteris curent, ut conuentus, seu conuenticula, præsertim rudium ac suspectorum hominum, de his quæ ad fidem spectant tam publicas quàm priuatas disceptationes, ac sermones, ceterasq; huiusmodi periculosas occasiones prohibeant, ac penitus tollant: dentque operam in quærendis hæreticis, ac eo nomine suspectis, ut inuentos de suo ouili constanter exterminent, parati etiam si opus fuerit, hac de causa sanguinem animamq; profunderet, quo Deo gratius, & ouibus suis salubrius in vniuerso suo munere efficere nihil possunt. Si vero negligentes aut remissi fuerint in expurgando de eorum diocesi hæreticæ prauitatis fermento, sciant incidere in pœnas statutas in concilio Lateranensi sub Innocentio tertio, ac in alijs sacris Concilijs, & Pontificijs constitutionibus.

*De Apostatis.*

**Q**uam peruersum sit hominum genus, qui suauis iugo religionis suæ, Deiq; timore postposito, respicientes retro, Apostatæ facti sunt, facile ex verbis sancti Augustini elici potest: quàmue in Ecclesia Dei infinitis erroribus causam præstiterunt, & præstant, omnibus notum est: Ideo Episcopi aduersus eos procedât iuxta formam



formam sacrorum Canonum, ac Bullam summorum Pontificum, maxime ſel. record. Pauli III. & Pij V. nec permittant eos cuiuſcumq; ordinis & religionis ſint, extra ordinem & religionem propriam cū habitu aut ſine habitu viuentes, ac vagabundos in eiſdē diœceſibus permanere, ac Miſſas, & diuina officia celebrare, vel Eccleſiaſtica ſacramenta, aut animarū curam exercere; immo expellant, remittant, & puniant iuxta formam dictarum conſtitutionum, ſuorum Superiorum habilitatione, & licentia non obſtantibus.

*De Adulterio, & omni alio illicito coitu.*

**M**onentur Epifcopi, vt ſtatuta Tridentini concilij contra concubinos tam clericos quàm laicos edita diſtictè faciāt obſeruari, ne ſi id omiſerint, Deo, & ſummo Pontifici reddituri ſint rationem.

Sacerdos, & alius clericus, ſi quis tantæ temeritatis inuentus fuerit, qui poſtpoſito Dei timore, ſe cum Pãrochiana ſua commiſcuerit, perpetuo ab exercitio curæ ſuſpẽdatur, poſtquam annum in carceribus corpus ſuum ieiunijs, & abſtinentijs maceratum manſerit, è diœceſi per decennium banneatur, alijsq; pœnis arbitrio Epifcopi mulctetur.

Et quos inſtigante diabolo nefandum ſcelus inceſtus admiſiſſe cum matre, ſorore, & filia ſpiritali, id eſt, quam baptizauerint, vel in baptiſmo, aut cõfirmatione tenuerint, vel cuius confeſſionem audierint, & carnaliter rem habuiſſe conſtiterit, deponantur, & beneficijs, ſi quæ habuerint, eo ipſo priuari ſint, atq; ad perpe-

tuam pœnitentiam agendam in vinculis coniiciantur. Pro alijs incestibus vîq; ad quartum gradum iuxta sacros canones Episcopi arbitrio puniantur.

Et cum Episcopi homines sint, & falli possint, nec hominum corda scrutari valeant, ne quod boni causa institutum est, mali sit fomes & origo: si quis eorum qui tamquam boni, & idonei ab eisdem Episcopis electi sunt, ipse Dei honore, cum ea cuius cōfessionem audiuit, quicquam inhoneste, turpiter egerit, aut eius pudiciam attentauerit, si nō deuentum est ad actum, temporanea pœna iuxta sacros canones acriter puniatur: si vero ad actus turpitudinis est deuentum, ac etiam qui peccatum in cōfessione auditum signo, aut verbo prodierit, confessionisq; sigillum frigerit, deponatur, & in arctum monasterium ad perpetuā agendam pœnitentiam detrudatur.

Qui autem virgini, aut viduę alicui honestę stuprū violenter intulerit, beneficijs priuetur, & virginem cui vim intulerit, vt dictum est, dotare cogatur: & si beneficijs caret, amplius mulctetur arbitrio Episcopi: pellaturq; vtroq; casu à ciuitate, & diœcesi per decennium postquam in carceribus arbitrio ordinarij detētus fuerit. Si vero vîrginem volentem vitiauerit, eisdem pœnis afficiatur, tantum à præstatione dotis absoluat. Si vero nuptę violentiam intulerit, eo ipso beneficijs priuatus, & vinculis perpetuo alligari decernitur.

*De Vsuris.*

**C**Um omni iure diuino & humano vsuraria prauitas damnata, & detestata sit; studeāt Episcopi hęc pestem

pestē animarum, ac pauperū perniciē extirpare; ac præterea in vsurarios, omnesq; qui illicitos contractus in-  
eunt, mediatores, aut rogati sint, vel fuere, ex canonica-  
rum sanctionum præscripto vehementer debeant ani-  
maduertere; atque vt tanti sceleris grauitas prorsus in-  
notescat, infra scripta expresse declarare maxime his  
temporibus visum fuit.

Notarij qui de contractibus rogati sunt, ex cōscien-  
tia plane prospiciunt contractuum prauitatem: nihi-  
lominus id scire dissimulantes, instrumenta confi-  
ciūt, quę in eorum superficie suspitione carere viden-  
tur, cum tamen venenum latitet, sub pœna excommu-  
nicationis ipso facto incurrenda, nullo pacto contra-  
ctibus, quos ipsi ex animo, & conscientia suspectos exi-  
stimant, vel suspicantur stipulari præsumant, præter di-  
uinam ultionem, quam incurrent.

Quoniam in venditione mercium ad tempus, quæ  
à mercatoribus sæpe fieri solet, iniustitiæ, atq; vsuræ ini-  
quitas latere potest: caueant omnino mercatores, ne  
pro temporis dilatione maiori pretio res suas distra-  
hant, quàm valeant. Animaduertant autē, vt si ad tem-  
pus vendant, non cariores vendant, quàm secundum  
communem fori vsum rei pretium currat; qui sane  
vsus inter probos, & integros mercatores constitui so-  
let. Quapropter nefarium, atque vsurarium decernit  
hæc Synodus cum pro maiori temporis prorogatione  
rei pretium proportionabiliter augetur.

Qui emit aut conducit minoris iusto pretio, ob an-  
ticipatam solutionem, est etiam vsurarius.

Qui

Qui triticum, aut vinum, & oleum alicuius prædij ante messem, aut vindemiam, aut sericum ante tempus minoris ob anticipatam solutionem emit, quàm collecta sunt valitura, & præcipue qui cautelam à debitoribus exigunt de maiori quantitate, quàm manualiter præstant, etiam si exigeret decem pro centenario ultra sortem principalem.

Qui pecora, prædia, vel aliud emit ab eo quem non credit ea habere, & statim certa pensione ea eidem locat cum obligatione restituendi pensionem, quam ex re quæ non erat, ceperit.

Qui mutuatur cum pacto ut mutuatarius ultra sortem sibi reddendam det aliquid sibi, vel alicui tertio, vel pauperibus.

Qui aliquid vendit ei, qui pecunia indigebat, cum pacto, aut voluntate principali, ut statim sibi minoris iusto pretio reuendat.

Prohibemus omnia cambia sicca, tãquam usuraria, taliaq; cambia exercentes, sententiam excommunicationis ipso facto incurrant.

*De Superstitionibus, Maleficijs, Incantationibus,  
& Sortilegijs omnino tollendis.*

**S**uperstitiosas, & vanas Populi observationes, quæcumq; sint, à subditis suis tamquam perniciosas pœnitus tollendas curabunt Episcopi, graui pœna ex sacrorum canonum decretis proposita contra resipiscere nolentes; maleficos autem, sortilegos, lamias siue strigas

strigas, ceterosq; omnes, qui quouis magicę artis, & veneficij genere pactiones, & fœdera expressa, vel tacita cum dæmonibus faciūt, præsertim cum homicidium eorum causa secutum fuerit, vel aliquis sacramentorum abusus in maleficijs interuenerit, iuxta canonicas sanctiones acriter puniant.

*De Receptionibus Bannitorum.*

**E**T quia non sine graui animi molestia intellexit hæc Synodus, quòd nonnulli facinorosi homines, vt ad alia scelera perpetranda deuenire possint, immunitatis Ecclesiasticę clypeo abutētes, ad diuersas Ecclesias, & alia loca Ecclesiastica huius prouincię diuertunt, ibiq; in grauem Dei offensam, & plurimorū perturbationē degunt, & morantur: ideo ne vnde peccatorum est postulanda venia, ibi peccandi detur occasio; Vniuersis, & singulis Archipresbyteris, Presbyteris, & Clericis tā sæcularibus, quàm quorumcumq; etiam mendicantiū ordinum regularibus, ceterisq; personis Ecclesiasticis quacumq; etiam dignitate fulgentibus in hac prouincia consistentibus, sub pœna arbitrio Episcopi imponēda ac excommunicationis singulariter in singulos: In conuentus vero, & collegia quæcumq; in his forsitan delinquentia suspensionis à diuinis, & in ipsorum tam singularium, quàm conuentuum & collegiorum Ecclesias, monasteria, capellas interdicti Ecclesiastici pœnis inhibetur, ac præcipitur, ne de cetero publicos latrones publicarum stratarum obsessores, eos qui in Ecclesijs homicidia perpetrarunt, aliosue facinorosos homines,

homines, quibus Ecclesiarum immunitatem sacri Canonis prodesse nolunt, siue laicos, siue clericos in Ecclesijs suis, illorumq; domibus, siue alijs locis Ecclesiasticis prouinciæ prædictæ recipere, admittere, seu retinere, vel promittere eisdem securitatē publice, vel occulte quoquo modo præsumant.

*De Suffocationibus.*

**V**T autem suffocationibus in posterum prouideatur, quæ passim ferme impune prætermittuntur, hortatur hæc Synodus omnes Episcopos, ut efficiant quòd à rectoribus saltem singulo quoq; mense populus doceatur, eique declaretur grauitas huiusmodi culpæ, mulieribusque lac proprijs, & alijs infantibus præbentibus præcipiatur, ut nullo modo ipsos in lecto absque capsula, & tabula intermedia retineant, cōtrafacientes vero tam pœnis pecuniarijs, quàm censuris ecclesiasticis in subsidium, & etiam exilij à diocœsi vel metropoli puniri possint. Quæ pœnæ extendantur etiam ad earum maritos: quia cum sit caput mulieris vir, huius transgressionis culpam habere maxima ex parte putantur. Contra suffocatores verò supradictæ pœnæ pro modo culpæ ab Episcopis grauissime augeri possint, addita etiam condigna ac salutari pœnitentia ab ipsis tantum iniungenda, atq; interea teneantur omnes reuelare parochis mulierum, quæ pueros in lecto absq; capsula, vel tabula intermedia contra huius decreti dispositionem retinuerint, & eos qui non reuelauerint, etiam si opus fuerit, excommunicandos esse decreuit.

abhor-



*De Eleemosynarum Quæstoribus.*

**P**raui eleemosynarum quæstores aut ministri, quorum nomen, atq; vsum Prouincialis Synodus penitus aboleri, & abrogatos esse voluit, ad officium huiusmodi exercendum de cætero non admittantur.

Importunas, atq; illiberales eleemosynarum exactio-  
nes potiusquam postulationes, aliaque huiusmodi,  
quæ à simoniaca labe, vel certe à turpi quæstu non  
abhorrent, prohibeant Episcopi, neq; permittant, vt re-  
gulares, & sæculares Sacerdotes hostiatim, & per vias  
vadant, & quærant eleemosynas pro celebrandis Mis-  
sis mortuorum in die omnium fidelium defunctorum  
faciendo scribere, & obligare personas fere inuitas, pro  
vt solitum est in hac Prouincia, easq; postea cūuenien-  
do in iudicio si non soluerint.

*De Pœnis.*

**P**astoris officium est, gregem Dominicum fidei suæ  
creditum ita Deo adiuuante dirigere, vt quod ad vi-  
tam æternam ducit, demonstret, & per illud conducat,  
& quod impedire, & diuinam maiestatem offendere  
viderit, amouere, & è medio tollere non solum horta-  
tionibus, ac exemplis, sed etiam quando ea non pro-  
derunt pœnarum metu coercere. Idcirco Episcopi stu-  
deant esse tales, vt suæ curæ Pastoralis conuenit, & in de-  
linquentes omnes, & singulas sententias censuras, &  
pœnas contra eos, qui à recta via deuiauerint, & aliàs  
deliquerint, latas proferant; nec de earum rigore quic

P quam



quam relaxent, admonētes eos, qui talia perpetrare veriti non fuerint non solum subituros eas pœnas, quæ sacris sunt canonibus constitutæ, sed etiam eas quas Episcopi arbitrij discretio pro personarum qualitatē constituet.

*De Excommunicatione.*

**C**um gladius excommunicationis neruus sit Ecclesiasticæ disciplinæ, & ad cōtinendos in officio populos valde salutaris; sobrie tamen magnaq; circūspeditione exercendus est, cum experiētia doceat, si temere, aut leuibus ex rebus incutiat, magis contemni quàm formidari, & perniciem parere, quàm salutem: idcirco Episcopi abstinēat, & seruent formam præscriptam à Tridentino concilio.

Monitiones vero, quæ ad finem reuelationis fiunt, non cōcedant nisi pro deperditarum, & subtractarum rerum restitutione, siue illarum, & illas subtrahentium reuelatione, & ad instantiam eorum dumtaxat quorū ciuilitate interest, & ab eis recepto iuramento de rebus perditis re diligenter, ac magna maturitate examinata.

Capitula rei ipsam de qua agitur, rei q; valorem nominatim, & specificè expri mant, nisi forte sint pro Ecclesijs, locis pijs, communitatibus, vniuersitatibus, collegijs, aut vniuersalibus successoribus, quos verisimile est certam rerum notitiam non habere; tunc quædam rerum in genere designatio fiat, quæ ostendat res ipsas non vulgares esse.

Animaduertant Episcopi quòd si eorum culpa hæc  
arma.

arma spiritualia contemni contigerit, nullo modo se excusari poterunt, quominus Deo rationem reddere debeant de perniciē, quæ loco salutis animarum hac de causa secuta fuerit.

*De Interpretatione constitutionum Synodi.*

**C**onstitutiones ad verborum proprietatem, & vt dicitur, ad litteram intelligantur, nulla admota aut intensiua aut extensiua interpretatione, vltra quàm verba ipsa significant; nisi quòd facultatem, quam habent Episcopi ex his decretis per Vicarios generales ea exequi possint, exceptis ijs, quæ pertinet proprie ad ordinem Episcopalem, aut à concilio Tridentino, aut ab Episcopis expresse exclusi essent.

Quoniam ob varietatem locorum non potest in legum executione omnis æqualitas, aut idem modus seruari multæq; statutæ sunt pœnæ, quæ moderatione in alijs diœcesibus indigeant. Propterea possint Episcopi quascumq; pœnas in his constitutionibus expressas pro qualitate locorum ad statum suarum Ecclesiarum vt res exposcere videbitur redigere, & aptare; quos (dubitandum non est, omnia ad pietatem, & animarum salutem relatu-ros.

Synodus declarat & statuit, quòd quotiescumq; clerici mulctandi sunt, & pœna pecuniaria sit exigenda, locis pijs applicetur, & nihil ad Episcopum perueniat.

Et si in his constitutionibus dubitationis, aut ambiguitatis aliquòd quomodocumq; exortum fuerit, Reuerendissimus Metropolitans in sua Prouincia interpretabitur, cuius sententiam sequi omnes teneantur;

quousq; alia Synodus Prouincialis habeatur.

Prouincialis Synodus abrogat, & abrogatas esse decernit alias constitutiones præsentibus contrarias, & quomodolibet aduersantes.

*Decretum Generale.*

**D**Eniq; omnia, & singula in his decretis comprehensa, & alia quæcumq; tam à sacris canonibus, quàm apostolicis ordinationibus, & à generalibus quibusq; concilijs, præsertim à sacrosancta Tridentina Synodo statuta, ac definita, siue dogmata, siue reformationem, & morum correctionem respiciant, plene, atq; integre ab omnibus cõprouincialibus Episcopis, Abbatibus, Capitulis, & alijs Ecclesiasticis personis, quæ per se, vel per eorũ idoneos Procuratores interfuerũt, aut interesse debuerũt, ac etiam sæcularibus quibuscũq; quod ad eos attinet seruari debere decernimus, ac subiuris, & arbitrij pœnis districte præcipiendo mādamus, saluis tamen omnibus cõstitutionibus Ecclesiarũ æctioribus, & laudabilioribus iniungentes Episcopis, vt hæc ipsa decreta post sex mensiũ spatiũ in eorum ciuitatibus, & dioccesibus publicari, & ab omnibus obseruari curent. Decernentes etiam omnes, & singulas admonitiones, statuta, decreta, & mādata in hac Synodo facta ordinata, & gesta, ac eorũ promulgationẽ ita omnes, & singulos quos tãgit, afficere ac si personaliter & singulariter singulis ipsa notificata, & intãmata fuissent; eisdẽ notificamus quòd si cõtra quicquam admiserint, pœnis ac mulctis, quæ in eis cõstitutæ sunt, & alijs Episcoporũ arbitrio imponendis constringentur.

**FINIS.**

CATALOGVS EORVM, QVAE IN HAC  
Synodo continentur.

SESSIO PRIMA.

De fidei orthodoxa professione.	De ieiunio	39
	pag. 3 De casuum reservatione	40
Formula orthodoxae fidei profes-	Constitutio observanda per me-	
sionis	4. dicor	41
De libris exhibendis	8 De penitentiario	42
De sacrificio Missae	8. De extrema unctione	42
De reliquijs, & veneratione San-	De ordine	43
ctorum	13 De matrimonio	44
De festorum dierum observatione	De monialibus	45
	14. De reformatione Graecorum, co-	
De calendario festorum dierum	15. rumq; erroribus tollendis	48
Festa mobilia	16.	
De sacris imaginibus	16. SESSIO TERTIA.	
De indulgentijs	17	

De praedicatione verborum Dei	17 De sacrosanctis Eucharistjs, & eucar-	
De praedicatione theologali, & lectio-	nis, & veneratione	54
ne sacrae scripturae in monasterijs	De immunitate Ecclesiae	60
	23. De Episcopi qualitate, & digni-	
De sacris verbis non abutendis	24. tate	61
De sacris actionibus non reprae-	De funere Episcopi	63
sentandis	25. Forma praescribenda examina-	
De processionibus	25. inquisitionis de Episcopo pro-	
	mouendo ad Cathedralē Ec-	
SESSIO SECVNDA.	clesiam	64

	De dignitatibus, & canonicis	65
De sacramentis, & eorum admi-	De praefecto chori, seu cantore	67
nistracione	26. De magistro chori	67
De baptismo	28. De sacrista	68
De confirmatione	32. De mansionarijs	69
De sanctissima Eucharistia	33. De punctatore	70
De Pœnitentia	37. De seminaris	71













